



造物何年造石琴才人尤物得相尋  
焦材質似餘媧煉附木聲疑托磬心  
抱訝槁梧堪下拜拊知山骨有清音  
笙璈緜嶺羣仙集詩老應攜奏碧岑


舟中戲呈劉漣水明府鮑蔭垣同寅

新正何事共登舟逐隊奔忙笑應酬  
知我如君欣有鮑他鄉躑跡共依劉  
來多真欲沙鷗狎出久還看倦鳥羞  
試問當年如李郭一時同載可然不

次韻送劉遐矚歸潛江

歌驪春色正芳柔纔舍都亭又倦遊  
棘壁尚懷同下璞楚材難借似荊州  
山城折柳偏俱客水驛逢梅孰溯流  
西望側身魂黯處落霞天際是歸舟  
遐矚楚人  
生長山右  
今語音猶帶  
晉余嘗戲  
之云君

似楚材晉用  
故頷聯及之



次韻朱悔人東浦移居八首

下溟東田勝賞窮從來邱壑置詩翁堂成郭外綠江曲廬  
結人間宛水中閱世鷗波供眼白輸人鶴蓋犯塵紅躬耕  
抱膝君鄉事莫嘆儒冠較嗇豐

江邨盤屈子之宮高蹈何須定海東兩版堂空牢莞結一  
編繁短註魚蟲爲農卜宅身從老種菜關門跡訝同聞道  
眉間尚精悍未容踈放壑邱中

歲月勞生意渺然靜中節物競推遷繁林綴艷花迎笑羽  
族調吭鳥韻絃與造物遊隨轉磨閱人間世類虛船可知  
塵遠同真境何必淮南始是仙

爲厭囂塵遠拂裾逝如蹈海樂扶餘逍遙遊處隨鷗鷁物  
我齊來忘笠車混俗醜糟鄉欲老耦耕蒲杏課堪書嗤他  
裘馬同蕉鹿不值埋身跡合疎

誅茅補屋自牽蘿小築幽居考澗阿車馬俗塵籬徑少風  
煙庭樹暮朝多擬將勞債償耕讀且儘閒緣樂嘯歌指點  
此中人臥在名山大業自研磨

經營息影愛蕭閒隨分幽棲不買山免俗未能聊復爾會  
心非遠翳然間一邱架壑愚殊辱兩版叢書設亦關外物  
莫移無個事看人傀儡鬧塵寰

天遊不擾一心清日月忙驅任燕鶯槍笑榆枋飛自適境  
消蠻觸鬪無聲閒宵竹月千尋燾靜院松篁兩部笙苦愛  
閉門山樣寂怕教與世共驢鳴

一椽吾自愛吾廬誰識江邨負郭居活計向人嫌襍穢生  
涯投筆且樵漁閒尋弄月吟風事消遣撐腸拄腹書只是

東山恐不免知君行樂定何如

次韻朱悔人市南移居八首

倦遊掃軌坐文窮怪怪奇悞此翁已識浮名雲樣幻何妨近市日方中間多靜室成虛白隔遠囂塵任軟紅慧業如君還補拙緣知不恃道能豐

居然市隱又儒宮蓬轉何如赤甲東一種住溪勤穫稻十年回首笑雕蟲周旋與我真堪久嗜好於人太不同豈是塵埃防物色厠身屠狗賣漿中

宦有終南富計然詩書結習業難遷也知窮達分畦畛不改迂疎守誦絃蝸殼朋來陶令徑菟裘吾老米家船潔身高寄超塵躅莫讓壺中市隱仙

生涯繪布勝華裾庭戶團樂樂有餘梅似同心堪共案鶴

如鳴和可將車憎人項領紛疑鶩笑我蓬蒿悞坐書一室掃除心若水君平與世豈真疎

世網纏身繞蔓蘿閉門闌闌卽邱阿一區容膝亶常草三徑遲朋益已多賸欲放懷耽穩臥閒將扣角發高歌飛光莫嘆窮愁老事業毛錐也不磨

心遠何須別覓閒逃名是處是深山不喧俗駕來人境已卜高情遠世間挾策那堪書發塚曳裾端笑力翹關空庭數武疑雲表百尺樓頭俯市寰

虛明窻几有餘清閒伴商歌樹囀鶯靜愛琴書敦夙好音耽山水樂希聲下簾不礙居隣肆挾瑟何由祿濫笙擺脫世緣歸計得八公叢桂自詩鳴

千金客養總蘆環堵何妨稱隱居一室安心消塊壘十

年學道混耕漁雌雄氣吐憑看劍得失心知自著書寄語  
空山休嘆寂定應文薦似相如

次韻謝江學山見惠詩筵時寓縣署

團扇投瓊擅物華悅魂味句識詩家風生紵縞盈懷袖句  
嚼宮商響頰車揮出彩毫應夢筆琢如堅石異搏沙山城  
邂逅天葩吐看壓河陽滿縣花

次韻酬江學山過署齋小飲

茶話相尋飲極歡三蕉葉量不催乾朋來賸有床留釀脯  
竭徒工口吐盤自喜茅胸談勝讀却遭雲翼搶慙搏微名  
君棄輕如屣苜蓿過從笑鱸殘江曾司教楚中來詩有  
却費經年苜蓿盤語  
冷署詩朋意外驩枝頭喜報鵲聲乾衝泥談笑臨珠履投  
句璣琲落玉盤絕妙好辭咀有味橫空硬語力能搏矮箋

長扇珍盈握藉甚文通錦未殘

答江學山前韻

險韻窮人劇不驩槁枯強炙汁愁乾搜腸阨塞羊腸隘問  
道迷茫鳥道盤愧我颺颺窮五技輸君獅象慣全搏却欣  
苦索酬知已火迫教憐爨有殘

答劉遐矚前韻

雕蟲偶爾辱交驩得手何年汞煉乾險語難于驅蜀棧苦  
吟澁勝誦殷盤玉堅君自勤攻錯沙散余徒費控搏却笑  
吟髭應撚斷于思無事日摧殘

疊前韻東江學山劉遐矚索和

文戰頻挑亦一驩外強未許怯中乾君才倍丕愁侵軼我  
疆如韓且詰盤拋去蠅聲鳴蚓竅博將羊角競鵬搏背城

請整詩營壘憑軾相從合燼殘

二鳥詩鳴得甚驩豪吟濡翰不教乾數篇洗伐肱三折盡

態連軒舞七盤江令行踪浮瀨下劉郎歸翼待風搏

江將適杭

劉將歸楚莫令竟別傷誰語膏馥忙先乞賸殘

### 和江學山二首前韻

向晦搜吟冷淡驩焚膏頻注短檠乾憶書多忘魚訛魯遇  
物難名日喻盤敢望友朋同性命漫敲詩句自捥搏致師  
深悔遭公健賈勇將無氣竭殘

握手旋分意鮮驩難從遊去愧枝乾牛涔那可魚求活蟻  
埕都教馬不盤走筆詩章逢峽倒干雲意氣直霄搏此行  
蓮幕陪燕許憶否聯吟到漏殘

### 和劉遐矚留別二首前韻

逢髯超軼唱酬驩枯木蒸芝出朽乾逞線長才如拆襪叩  
囊底智竟和盤征帆破浪頻遭阻清袖分風不可搏我勸  
君休歸去好鷓鴣啼罷漸春殘

文字期牙願結驩留行難涸愛河乾念疎舉案緣彈鋏遂  
欲膏車自樂盤才大雕龍還夔屈勇餘破蝨亦獅搏明年  
柳汁衣霑洒莫忘長條共折殘

### 江學山前韻詩索和不已再疊韻答之并索和

鬪險雖應慮竭驩泉源萬斛出寧乾語言雕琢窮輸墨故  
實搜尋到誥盤

來詩用儀禮語

韓咏江湖殊浩浩楚詞精氣更搏搏欣余蔬菽酬瓊玉待洗厨餘苜蓿殘

空庖寒菜簪盍驩濕薪燒泣鮫淚乾雨晦鷄鳴霏玉屑風  
人牛耳隨珠盤含毫欲邈抽蠅獨汰舟及遠凌羽搏酬吟

剽獵嚴號令敢謝牙慧棄吐殘

次韻劉遐矚郊遊見懷

綠爭春郊蒿艾光間攜遊伴過林塘暖嵐蒸翠衣留潤紅  
雨飛花屐印香勝踐那知愁異地高吟好似夢西堂怪君  
詩虎勞相憶敢使騷壇欲將羊

詠懷次韻江學山

雪誰肯立道誰南空似囚山與住菴山只清音為地主菴  
容官長作伽藍卑無貴謁休漫刺怪不書空免悞函决去  
逝將辭鞚馬野雲天濶任曇曇

雖非徙北與圖南喜伴琴書旦夕耽靜趣光陰還自惜卑  
栖心跡豈妨憨捧囊粟慮飢堪死斲菜根應味本甘俗固  
不如僧尚勝且將妻子傲瞿曇

江學山先同劉遐矚至東寺觀牡丹訂余次日重遊

雨阻不果次韻

擬探名卉踏春和國色郊村訪苧蘿夜雨忽增溪溜長穠  
姿應減淚痕多花邀詩筆添新沐人恐韶華逐逝波君輩  
飽觀余獨後愧無佳句敵陰何

山齋分茁小橫斜綠葉紅粧漸映遮兒女忽來教避舍胸

懷頓俗不窺花

齋中新分牡丹將開  
兒子同新婦適來

精藍藏艷心雖妬好

客題詩物亦華國色休憎僧占得世間塵累是人家

淺莎印屐渚堪遵急領韶光及暮春有約看花方鼓興無  
端聽雨忽傷神深藏空谷愁誰訴乍沐穠粧態定新怪殺  
此間開滿縣偏他遊客作遊人

前韻再酬江學山

九十春歸淑景和尋花山寺擬攀蘿滿期飽眼千葩艷無  
奈傾盆一夜多雨不出應嗤隱霧泥難衝似怯凌波君曾  
識面今零落倍我憐香奈若何

琳宮艷質惜披斜傾澍誰邀佛力遮憔悴可傷偏國色雨  
風專妬是名花天無情甚摧當好士遇時難氣不華變現  
虛空真幻影皈依合在梵王家

餐英簪帽約應遵長恐紅殘負此春壓砌酣風嬌有態倚  
闌因雨媚爲神花王名品真推舊詩伯文章屢出新他日  
國香添續譜未知蒐採屬何人

戲東劉遐矚索和次前韻

牡丹開後漸清和紅瘦成陰覆綠蘿應識鷓鴣歸未得殿  
春芍藥日無多來遊作賦皆梁客餘事吟詩及楚波山邑

衙齋叢桂好更看花去意如何

梅酸桃實柳條斜箭激鄉心去莫遮自古人歸應落雁底  
須思發且看花羈懷繫馬情雖騁勝友雕龍氣自華莫懶  
搜吟無和句空教何范說詩家

歸歟殘臘路將遵又看名花到暮春行日屢更還改卜詩  
章每出却如神他鄉論雨誰推舊騷坵生風不厭新聊復  
靡旌當贈策恐花西望笑無人

東林寺牡丹江學山劉遐矚旣和余詩復各來索和

仍次前韻奉酬

和江學山

羞言風度比靈和愛托山堂伴薜蘿空境獨芳塵躅少穠  
姿傍佛妙香多勝遊只隔牛鳴地阻與俄愁豕涉波天女



相依應得似昭陽一洒意如何

焔焔燒空壓檻斜  
臙脂泥污倩誰遮  
行雲神女歸靈境  
散

雨諸天伴妙花比太真穠  
嫌艷冶若昭陽貴  
遜高華憎他

江令阿供奉又認新粧  
說道家

來詩有太真蓄髮到官家語

蠟蒂筠籃事可遵  
莫教飛片減  
消春物逢尤者當勤惜  
花

竟殘耶倍黯  
神國色來年雖似舊  
霜毛我輩定增新  
長鬚

急遣探還好  
冒雨尋芳媿昔人

和劉遐矚

懷寶深藏璞抱和歸思  
滋蔓繞藤蘿  
人于羈旅詞偏好  
花

入描摹艷更多  
詩債入义容折券  
硯池寸水解興波

來詩硯池

寸水盪微波

挑君搜句憑消遣  
不爾其如良夜何

山寺穠姿未萎斜  
晴遊裊展帽簷遮  
依然我輩看如笑  
不

是劉郎去後花骨帶煙霞  
真富貴艷空色相信繁  
華東君

有意君知否  
特放韶光待作家

驚座如余遠愧遵  
隨君劇鉢強搜春  
邀看佛國優曇種  
共

賦巫山雲雨神地匪沉香  
詩唾舊合嚴金谷  
句圖新從今

贈策君行後何處知音  
覓解人

暮春六日天霽遊東林寺看牡丹和江學山展上巳

三首前韻

春遊遲日轉晴和  
綠幄層陰壓翠蘿  
出郭寥天雲樹遠  
褰

裳勝地笑談多  
花留殘艷還迎客  
飲只微醺不卷波  
歸路

相將離淨域塵樊  
依舊奈愁何

巖隈藏寺逕紆斜  
暗綠殘紅叢薄遮  
萬个依然會稽竹  
千

堆何似吉祥花  
連山客欲參禪悅  
倚檻風應轉法華  
鎮日

無人閒對此紅樓真是列仙家

良辰然約客同遵對此芳菲忍負春小榼重攜修禊事深  
盃徐引酌花神地仍曲水幽情暢雨過崇山霽色新只是  
主賓俱逆旅醉看蘭芍贈何人

同江學山徐五其赴鮑蔭垣約遊讌城西次江韻

乘閒勝卽詣何事岳遊五得朋歡未罄空悔舟送浦况當  
暮春佳新綠暗崖澗俛仰卽陳迹真宰迭賓主而我生如  
寄何不恣採取嗟余官舍冷苦寂闔庭宇左對老孟光右  
顧穉宗武身長愁如邱屋漏羞注雨幽憂無以娛耳目屏  
閒觀竭來江文通詩雄虎方乳搖筆凌九萬搏風異鷄羽  
青溪空谷中忽若洪鐘吐今人迥無倫獨鶴鷄羣舞人稱  
老氣橫我愛鄭公嫵數過交不賣採論聽頻俯雖未窺奧

窾亦許躋堂廡良辰詩尋盟上巳期展補相從獵文苑如  
具囿原圃佳招更得鮑治具邀羅縷長瓶瀉高壘饜簋雜  
殮簋旨酒清且和醅醲醇耐醺珍烹出行厨擔榼挈豆釜  
窻洞山排闥靜對真太古懽情劇談讌愜意捐城府坐消  
萬斛塵潔滌肺與腑徐子亦殊俗筆落賦鸚鵡畏酒如畏  
藥蕉葉差可數霜鬢低醉頭困亞花枝午忽然奮戟張髯  
掀掌頻撫爲逢大雅儔風雅互吹鼓酒政出新意詩律嚴  
舊矩似籍當豪韓亦白逢苦杜余也參其間力不量鄒魯  
聊紀茲遊勝因當良友譜別後定何如記取月當戶  
佳招遊城西榼一肴簋五春色淡明媚嫩綠入池浦初離  
市塵塵漸率西水澗遐睎恣領畧搜春迭客主耳目聲色  
間用之不禁取危橋抱長湖小閣卓峻宇漸影戰遙約窘

步促接武心搖懸行旌背汗霑液雨躡梯登頗快四壁敞  
可觀大山開幃屏小阜落窩乳飛鵝軒青空浴鵬騫翅羽  
鬱鬱嶺廻盤坦坦嚙吞吐業業拱而立翩翩側屢舞涉徑  
步嵯峨沿磴山花吐蹊窄趾怯高林翳身頻俯前觀藏兵  
洞巖石駕廡廡深杳欲犀照嵌缺倩媧補或山魃之窟或  
木客所圃抽身蹋夷途麥鬚秀如縷溝塍畝南東方銳形  
簋簠饒逢畦盡林涎流渴思醺循徑水月菴敗壁冷竈釜  
一僧老瘠禿狀貌野且古憑檻坐小憇亦衆景所府淨域  
悟空性清境雪垢腑髀肉疲峻涉嘆似折翅鷗升降躋文  
昌釘餽列可數翠微含層陰蒼蔚窅日午若可秀而餐若  
可有而撫若清音絲竹若在懸鐘鼓若淡濃粉黛若周折  
規矩談雅飲無譁地僻門不杜何以報主歡飲醇醴荷魯  
何以答賓意勝遊詩再譜歸吟雜夢寐得句輕萬戶

再答江學山前韻

世途紛何如得失木接五家居屏擾攘蓑笠安釣浦無端  
涉宦津局促滯江滸三徑荒絕賓猿鶴怨失主譬如棄蘇  
合而乃蜣丸取客言宦雖薄近不遠故宇繫組稱賓師散  
秩傲文武誅求馬牛風禮數新舊雨此外多艱難其苦略  
可觀高巢搖風林危卵驚鷓乳冗雜勞應酬吏虎檄飛羽  
夜幾十起臥食或三哺吐癢疵毛纔吹摘索文又舞孰能  
容強項但可學媚媼不如廣文閒自適無仰俯可吟哦詩  
書可景行廟廡守狷不驚俗羞囊休慮補種秫官有田藝  
菜衙餘圃菘芥韭薤薺荳苽麻苧縷先春治荒穢擷毛供  
籩簋盛夏鋤槁壤得米謀醴醕未能豐肉食亦可免塵釜

朋來更遊讌憑弔盱今古狂能放形骸嬾亦疎州府殿寂  
酒精神政事詩腸腑焚身齒殊象受繫采異鷓強食棄莫  
及弱肉細不數夜諷任至卯朝睡或過午非丞而竹哦非  
隱而松撫似茲浮沉好歸興那須鼓余聞听然笑樂志有  
前矩歸田賦誦張野老詩吟杜混俗士師柳何如男子魯  
逝將返耕讀復理松菊譜狂言舌休捫吾命不受戶

贈江學山榴壺錦箋江有詩謝別次韻答之

阿措懸實形肖生側理錦樣遠寄情搏砂埏埴皮殼古春  
網擣穀膚理精彭脰空腹貯茗飲紅綠巧幅裁瓊英几案  
硯礪伴釘餌苔繭光滑張詩城空腔瀉汁味咀噍雲藍織  
句思新清七碗呷茗風生腋三千草牘賦擅名出此二物  
當縞紵潤吻擣藻聊贈行吐花落紙羨江合淪泉消渴療  
長卿不愁瓠落大無用休慮茹詩腸苦撐仙才句將皮蘸  
寫遠箋郵得魚煎烹嗟余鄭虔羶少坐亦有史雲塵生鏹  
時寓劉署辱君把握應念取行矣四海皆弟兄

賦得漠漠水田飛白鷺

水暗秧針振鷺明波平苗立素禽橫羽衣掠影車輪小雪  
客翻翰縞袂輕謀不稻梁遵渚陸跡非泥爪樂澄泓閒雲  
野鶴知同趣雞鶩休猜粒共爭  
拍岸平疇一水盈于飛鷺翮自振振青畦村靜霜毛矯綠  
野天低雪羽明曖曖東田疑托足依依下澗若移情素章  
那奈泥塗辱覓侶雲中看病耕

賦得我愛夏日長

晝永如年那可常莫教愒日去堂堂書功增課身堪等甕

運忘勞陰惜長但似羲皇耽靜適不分衰盾別歎涼退之  
却笑膚愁慢欲返炎曦爲簟涼

次韻吳寶崖寄贈

夢每湖山跡嘆羈名流是處是吾師卽投珍句瓊瑤似想  
對斯人晨夕宜秀帶高霞堪拄頰味咀長晝勝消碁芳鮮  
境遠賒簪盍且洗煩煎讀寄詩

念祖兄附劉明府舟至杭訪閩來高雲客余曾見雲  
客端硯考甚精意欲訪晤併閱硯材竟不果行殊

惘惘也

生長西湖極不忘况逢石癖有襄陽依劉君羨舟同郭訪  
戴余難興似王山送客行追日夕水朝宗去到家鄉分袂  
意黯非傷別隲硯探奇事兩茫

秋日送幕友陸程遠歸陸未舉子仙乚許其有後  
囊輕襍被亦欣然歸到衡門月向圓蓮幕程書惟種德桃  
根擁髻已經年胎珠蟾影秋今滿乚筆麟祥判昔懸莫嘆  
鬢絲尋法喜子生仙果不爭先

釣臺歌

昔漢哀平百六際世衰道喪士失已外家五侯寢恣侈卒  
移漢鼎奸神紀脂韋媚佞俱公卿齷齪羞號天下士四十  
八萬頌功德光宮舜酣難數指帝師張禹尚媵媵謬對災  
異誣經義美新文章技絕小楊雄蝨臣寧足齒先生當此  
深憤嫉四維不張亂安止滔滔江河日下流孰高氣節爲  
之砥遊學夙昔文叔偕意中久矣忘帝子忽遭風雲登九  
五故人富貴塵埃似非負羈紲非從勞祿亦弗及乃其理

委贄羞爲隱士充高懷不作介推死自分披裘老澤癯那  
知物色煩微起狂奴故態非真狂不降不辱聊復爾真龍  
吾視猶蝮蛇要留高節挽頽靡所以授簡答君房深戒阿  
諛與順旨冥冥鴻飛弋何慕不汚山蒼水清泚爵祿吾餌  
貪吾鈎釣不在魚玩世耳至今雙臺矗崇阿千古嚴陵日  
星峙東漢氣節後最盛開其先者先生始

題林孝節婦節略後

念祖吾兄武林至示我雲客攜刻孝節事林國奎妻族詩  
書閩縣白田里鄭氏吾觀覩縷三太息髮衝冠豎眦欲裂  
割肝愈姑身不死強暴屢拒耳雙截身活懸知肝自生耳  
截經年耳竟茁因思萬物氣成形何況正氣參日星古來  
志士殺身死身死而生况乎耳此理乾坤本不忒鬼神于  
鄭尤昭揭不然割肝而死耳不生鄭乎豈亦非孝節

九日寫懷次念祖兄韻

遇九陽窮窮不送九秋偏喜說重陽苜盤味轉藿鹽淡菊  
徑情牽麴米香脫帽自憐盈蒜髮羞囊臄值佩萸房笑攜  
雞犬雲中去共覓仙家辟穀方

陳鳴遠攜砂壺盃見訪

埴器埏砂筭籠將千峰秀色逐行囊愛他銜識林泉味絕  
勝盛誇琥珀光夜月茶香清有具春風酒熟把頻嘗羨君  
壺隱余塵土揚涸泥波愧遜長

鮑露岑遊老鷹巖作詩見示余時臥病不及從憶三  
年前曾遊感懷賦和

山城山遶排四壁魚峰雉嶺週遭列獨有鷹巖遠莫見荒

郊十里委岑寂小徑磳确人跡稀雖有奇境鮮賞識我昔  
 曾遊暫憇休至今妙幻猶堪憶瘦石盤空背爪張飛巖掠  
 地風毛疾聳搏疑掀兔窟翻側愁欲懼隼跡絕剝苔落蘚  
 翠羽豐縱橫皴皴細筋入而我俗累遊難再鸚鵡雕籠苦  
 羈縲先生獨遊還作詩示我三復手不釋更聞奮身登層  
 嶺樵徑迷惑披荆棘我雖神往病莫從空懷好景橫胸臆  
 細思此巖何自來無乃鷹窠飛海側余鄉海畔山有鷹窠頂家山颺  
 忽驅五丁迴翔空谷覽而集他鄉遇故心愴然似同流落  
 增悽惻囚山三年家山遠寸心欲附歸飛翼

同鮑露岑遊東寺寺在龍山下鮑登山巔余不能也  
 是日得桂樹擬補學署宋桂

簪盍郊遊愜旅腸冬暄勝詣領晴光忽看飛屨輕重阜疑

竟乘風遍八荒暮日寒山遙斂翠夜灘昏月競翻芒更兼  
 覓桂衙齋種杖履欣陪慰所望

補宋桂

神物凋亡意絕憐空庭得樹補欣然天香依舊蟾宮種人

傑從看蓋榜聯宋桂碑花開盛衰可卜科第遠更流芳應媿昔老而彌

辣可勝前婆娑試問何如宋珍重干霄歷歲年

補桂常懷願恐賒忽來巖綠事堪誇喜今庭宇移嘉樹宛

昔方黃共折花方蛟峰黃警齋兩先生俱宋時鼎甲金粟飄香還舊觀廣寒

落子定誰家緣知桃李爭應仰獨秀團團擅物華

次韻鮑露岑五咏用起句

平生不惜買山錢謝屐寧論幾兩穿撲面青來排戶闥迎  
 眸翠滴疊雲煙清風明月原無價竹屋茅廬自在眠耽僻

幽棲塵境隔好將拄頰坐忘年

平生不惜買書錢揮斥贏金購簡編宜爾子孫傳舊德益  
人神智悟新詮如城坐擁輕千乘與古爲徒列四筵穿穴  
此中甘蠹老敢云糟粕等蹄筌

平生不惜買琴錢綠綺相將伴歲年焦尾攜來材共寶響  
泉彈出意超京池中魚聽羣游藻雲外鴻飛靜拂絃淨洗  
煩淫箏笛耳希聲疏越任君傳

平生不惜買花錢吐蕊含苞錦樣芊繞徑衆香真可國閒  
庭何樹不爭妍風當翻處飛如組日乍融時暖欲煙陶菊  
林梅誰似此長留春色浩無邊

平生不惜杖頭錢種秫生涯酒似泉蛆甕撥浮金掌露糟  
床滴燕玉池涎椒花雨溢盈蕉葉藥玉船平滿桂舫自是  
醉吟成勝事此鄉可老任陶然

龍山桂樹歌

龍山桂樹幾幾年蒼柯綠葉凌雲煙頽垣荒礫等棄捐我  
來移置鱸堂前長鑿斷土下及泉百指邪許肩後先惜根  
護枿包以韉剪枯芟朽端且圓細泥高培杵使堅株楸支  
拄風不顛編薪擁幹如披綿向背不失俾天全觀者羨桂  
云登仙不然委棄誰珍憐桂聞此語如茫然請對以臆陳  
拳拳巖阿朝市誰復賢春風秋月山中偏老我槃澗殊穩  
便溪榛野棘無拘牽胡爲封殖遭孿蹠孤羈無伴何時還  
如女辭家適所天如臣事主離園廛我謝桂樹誠我愆嗟  
我累爾過自鐫爾今同我塵網纏或者中有數存焉爾無  
我尤尚勉旃千霄蔽日爭清妍千百年後佳話傳我將拂



衣逝歸田故園爾類應有移我北山篇

春假歸讀曹廉讓半硯冷雲集次集內見懷韻二首

已下已  
卯年詩

故里偷閒隔歲時一編欣把恨歸遲宵繡樺燭消檠跋寒  
諷霜松點領髭吟處知君生活冷攜來於我晤言宜和陶  
詩更無窮好萬斛塵襟滌可期

塵漲輪蹄蹴霧嵐掉頭決去命轅南冷雲卷軸因人少半  
硯生平介石諳薦士豈今無狗監知音終古待桓譚悔餘  
贈策詩堪味歸到耕煙蔗境甘

查悔餘贈詩如何蕭  
酒士亦復趨人間

次韻丹巖見懷

聞君貧病入新年喉痺增焚突減煙文欲送窮為計拙瘦  
緣吟苦與愁連草廬耕野何妨臥魯語求蒙且儘傳

丹巖  
村中

處一  
蒙館

休詫龜藏頻歎老席門孺子豈長然

次韻丹巖秋霖感懷

關心霖潦士而農指困誰歟患自同

來詩有魯  
肅高誼語

稼漸登場

成畫餅餐愁併日伴吟風瓶罌無粟休妨達糠覈能肥莫  
諱窮半菽羨君牢坐食勝余五斗犯塵紅

次韻鮑損菴將赴公車過青溪見贈

分祛鵬翼運高冥落落遙望散曉星一笑情憐同斥鷃孤  
懷身寄亦長亭來欣占氣車迎紫去券摩霄背負青壁水  
杯均如煦沫液池春澤羨泓渟

冬夜薄醉漫占悼亡四絕

塵緣半世電飛光轉眼分明一夢長是夢早知纔轉眼道  
人多事試黃梁

吾身以外皆長物卽問吾身是我麼哀樂中年方悟幻醒  
人造物太心婆

驅人遊宦紙飛鳶梧槁心灰瑟絕絃我試念家家念我真  
如舉族細腰懸

一生形影敬如賓瞬息前因迹乍陳老我孤懷真寄耳底  
呼兒輩問誰親

冬日種四季桂花

四時桂花樹瓦盎窻前種蕭晨芳不歇凜夜香仍送疎疎  
能耐寒粟粟猶燦凍舊萼枝未辭新苞葢旋縫敷榮日循  
環繁華靡缺空似專造物私豈獨天香重而我久勾留四  
載糜廩俸有如枝頭乾未得迎風弄涉候正淒厲看花驚  
暖烘歎此蕤蕤姿生意四時動仕宦古亦有相對吟自諷

汪貞女

雖未亡人未婦稱香羅纓殉玉樓徵捐生綰尚同心結畢  
志懸猶繫足繩命續五絲神術少魂依一縷倡隨仍從今  
管蒯同金石真個如歸視死能

次韻方若芳皆山樓看雪

山雪排樓筵案帙舞空抵隙寒填室銅瓶凍生夜泣啣庭  
樹掩壅冬枿密凌風衣稜聳翠律臥室人僵曲肘膝封糊  
培塿山骨失六出堆釀花醞蜜談手龜拆思避橘河魚填  
井難逃疾冰池蚌潛沒立鷓原頭飢雉噤不出榱崩將壓  
凜可啞環樓皆山氣尤栗咄哉方子玉雪質雄如乳虎健  
駒驕登樓賦雪風雲叱陽春句得探月窟步趨我鈍愧奔  
軼寫詩寄將巧塗乙眼中白雪二而一欲傷至潔余所恤

斗如風腋茶喫七神遊樓頭爾牽率強韻追和聊信筆力  
驅凍毫止或尼遲君日暖共捫蝨買羊酤酒行將必茲樓  
百尺世所悉嚴詩杜集編他日

歲暮大雪次周汝石韻

冰花着意殿殘年六出爭奇萬頃連縞幻化城疑少地凍  
探堅澤訝移泉飛簷詩老情無限敗屨先生凍自偏呵筆  
寒吟酬白雪聳肩聊借一欣然

欣占麥浪舞明年三白何妨不厭連靜愛聲纖窻打紙堆  
看液泣砌生泉市愁珠桂窮簷甚鄉泥溫柔好景偏真欲  
萬間營廣廈庇今寒士且歡然

次東坡北臺書壁韻二首

灑空羽陣一毫纖排室寒威四壁嚴屑玉溝封鴛甃瓦釘

庭兒戲虎形鹽試深訝喜頻探策窺密迷望怯仰簷更待  
初晴看冰柱粼粼屐齒掛椽尖

杉篁介冑冷拳鴉積玉光還照乘車不夜皎臨當戶月先  
春寒粲壓枝花莫言人餓應高臥若個門關穩住家杜老  
蘇仙如可作長鑱隨斲又魚叉

次韻酬吳寶崖

華歲崢嶸逝逼除鱗鴻慰寂諗離居中年聚散亡同悼

亦新有鼓  
盆之感兩地期望著有書鑽穴我勤慙遜蠹蕭條君意

歎騎驢早拚訪戴難乘興自笑湖山跡久疎

門庭弔賀古乘除坎壈君兼詫索居短檠照眠悲舉案青

羶留坐伴遺書吳丁艱悼亡  
又遭偷兒從今嫁女應牽犬未卜尋詩

出有驢破屋先生真孰似難量事業計休疎

方若芳買得十七史人多笑之若芳作詩論余次來  
韻答之以廣其意

一部十七史斐然各成章誰能事採擷顛倒傾箱筐史漢  
繼春秋三長古周行溫公論隋書于班范有光三國晉五  
代羅載多琅琅北魏北齊周蕪穢污眸睚延壽南北史訾  
美析毫芒新唐雖勝舊繁簡多可商歐公後五代獨筆非  
贊襄我有久皮閣徒宿蟬蠹糧行書愧虞祕貯腹慙郝藏  
捨網鶩漁獵脫車馳康莊每一念及之几案物皆長經生  
習多陋祕枕無連床時文土苴耳嗜聒如蜣蟾腹笥鬼名  
冊眼光螢處囊每對叩根柢本領惟中箱傑出得方季好  
古入膏盲豈直錚勝鐵寶乃席珍璋嗜書謀減竈來詩減竈省餘糧  
意迫良可傷欣賞垂客橐捆載勤置將寢食鑽穴之周

浹而房徨乃有啞其笑或揶揄在旁彼且不知漢魏晉更  
迷茫識字不三百傳家可飛黃語聞黎洲師悲憫如慈航  
吾懶負師門至味裁未嘗得子勇過我書種債或償深造  
乃有獲入室母面牆讀史更窮經勗哉勿助忘

春日喜方若文若芳來齋小飲次韻 已下庚辰年詩

蕭齋二妙獲應難喜餒辛盤歲未單羨甚將車來子舍溫  
如聯璧碎春寒人間文字醺須酒我輩塵埃醉共看別後  
有詩頻却寄高詞險語足餘歡

看一童生文字借方若芳韻戲咏并柬若芳

宅相何劉自古難孤芳似舅不愁單一夔足矣鷄羣鶴衆  
楚咻之暴不寒今日過庭應足慰當年舉火想須看欣予  
染指知嘗異乍曉源流得更歡

喜丹巖主靜兩弟至署次韻贈別

羣從褰裳倒屣忙，欣于夢句得池塘。坐深燭跋繁銷淚，談  
健風生茗鬪香。空谷稀朋逢雨舊，越吟添伴喜音鄉。竭來  
未暖寒齋席，那更分袂怨阻長。

贈柯山星士席豈凡

大塊芸芸理萬殊，何緣造物此拘拘。孟陬吾降偏愁屈，磨  
蝎宮同枉困蘇。動似霧珠隨唾噴，飄遭茵溷等榮枯。通神  
多少誇人定，還講常談受命無。

鮑蔭垣示和章自寫愁懷仍前韻奉答

木寇膏煎理不殊，兩窮相厄一官拘。誦經採杞閒師陸，掛  
杖攜錢懶問蘇。楸局興豪爭腹瘦，玉池肥燕潤腸枯。鮑善  
奕又精內共君會證癩，仙果肯羨屠沽酒食無。

絳帳豪華氣象殊，語冰何事夏蟲拘。冷瓊匹馬休愁鄭，注  
雨吹風不屈蘇。醉得神全中酒聖，鮑又善飲談堪隱共戰碁枯。  
優場應羨吾曹樂，此福緣知肉食無。

次韻丁子真過訪見贈

評帖蕭齋別許時，褰裳荒署慰遙思。室餘懸榻遲朋下，牆  
過隣醪怕客知。大小阮交懷聚散舊，新雨數話參差喜。君  
溪泛非乘輿飯，白芻青底更辭。

次韻題張方客萬里看江冊子

千古一江水，誰為汗漫遊。坡宦送入海，君看走數州。竭辭  
鄂渚遠來探，禹穴幽長風。鼓高帆破浪，喧前騶言從大小。  
孤遂乘揚子，流金焦勝旣攬吳。越奇旋搜虎邱，恣春嬉錢  
江。弔雄謀浩氣凌洪濤，春天等平疇。愜此騎鯨興，不作向

若愁君家郎官湖陳迹久悠悠逸興今得君風流古人儔  
披圖感勝槩壯志銷百憂緬彼古賢達自命言必讐君慕  
吟梁甫抱鄰可以休

漢陽張方客

叔璉

買妾吳門未果再次前韻戲柬

聞有水嬉願聊作看江遊尋春學杜牧選勝來湖州佳人  
竟寂寞太息空谷幽遂來訪青溪都亭識鳴騶事雖太漫  
浪話亦殊風流豪舉珠應斛勇售網可搜乃如畫餅食又  
似築室謀竟令天台道太行阻前疇依然對明月影作三  
人愁羞歸陽臺渡魂銷煙雨悠我語君勿怪醜女臥龍儔  
君集名鄰嘯此識良可憂不然傾城姝豈乏日如讐字書通仇  
請君學諸葛卑之行歸休

贈吳子作霖卽前所看文字童生也余近偶病目吳

子投示新菀閱之益歎其佳又適感厲鼎事故作  
詩爲贈且讖前詩謔語顧信筆所觸仍涉嬉笑欲  
莊語相向輒不得佳念余豈真有意者雖難爲俗  
人道然不以詞害意使作霖名字附見吾詩集中  
足矣

佳文真足愈頭風把卷昏眸豁兩瞳我豈汝南能月旦君  
應冀北自羣空過庭慰意當如子守確誰知後作公寄語  
阿戎終努力無雙吾早識非蒙

鮑蔭垣暫假省親徧覓秋蘭歸獻以盆栽贈之

畹蘭攜覲乞盆栽懷橘筒魚歸去來楚佩階除娛綵戲芝  
庭茂悅賦山萊得霜傲匹先生菊伴鶴清偕處士梅似桂  
家公真可羨好秋長日共遲徊

讀野雁齋詩柬從兄子榮

悼亡潘句動深愁况我傷弓累轉稠馬腹及鞭身世遠蜂窠懸乳室家浮噉然作惡情妨達窮矣無言命不猶同是悲思老逾倍歸耕真擬兩鰥耄

茗溪姚文波挾管城來淳十日不售余為發市幾空其囊因作詩贈之

穎君難售滯歸歟倚市翻愁繡不如趨利即看誇項領勞生底事註蟲魚一錢錐勝應投歎十指槌懸懶捉書百輩偶然聊見請酸鹹異嗜亦嗤余

次韻答方若芳病起見懷

書種傳家舊如賢克荷薪砭疴繩祖武若芳祖慎菴先生有文疴七砭汲古笑時人若芳讀十七史人多笑之骨瘦聞愁立詩多得喜新吾衰拈

筆懶吟諷慰蕭晨

醉後戲題壁借用方若芳攣字韻

受書金盡又貂穿論相顏黽更膝攣富貴問人吾自有飢寒笑我子來前牛涔濡煦求升斗馬齒壘鹽閱歲年久滯青溪成底用醉吟浣壁醒疑顛

吳仁伯見示詩稿侑詩二首次韻答之

文章不朽如日星立言可等旂常銘心聲載道非小技煙雲之秀山川靈雲峰奇士志鴻鵠長翮暫鍛依寒汀新篇磊落良起予如得枕祕眼未經吾儕言語須到聖望道而進勤汗青相期與子闖奧窔古人堂室何曾局

繼三百篇為聲詩五字七言踵增之先民有作追正始道喪而降乃肥癡衣冠優孟悅俗目如蠟為貌言多卮擔擗

李杜蟬撼樹誰得其骨與其皮勤讀多爲詩乃工歐語吾  
佩如鯨鱗此中有味須齧嚼時至骨換行自知

咏家綺函新得峰石借訪周六雲原韻

拳山勺水卽蓬溟神馬尻輪跡似經嗜癖顛應懷米袖問  
奇丈亦到雲亭沃波綫溜泉紳白長蘚峰攢石劍青謝句  
試攜還拄頰真疑高處可捫星

借前韻贈家綺函時偶至青溪

飛適榆枋笑徙溟卑棲偶涉歲年經曹荒署信同僧舍薪  
積官難視旅亭無事飲堪三日醒多情眼看一溪青竭來  
破寂行隨雁可動天文奏聚星

題毛鶴舫松陰把卷圖

長松攬天鬱澗底絕壁飛瀑懸布水清陰落落遠塵土山  
靜由來如太古先生好學袁伯業磔柯節目胸冰雪雲根  
把卷坐忘年盤桓髯叟相對閒山靈珠玉噴層巔似妬先  
生萬斛泉

次韻謝徐叔元見惠峰石

寒齋來石丈欣對慰羈孤介汝先幾吉隣君瘦影癯南州  
良意厚米老愧狂殊漱枕俱堪共何妨抱璞娛

辛巳春得龍尾大硯質良材富視昔執法硯有加焉

名之曰萬石君旣刻銘于石更作詩誌之

已下辛巳年詩

昔執法硯歸有力數年几案無顏色歲一星終得遇君龍  
尾巨材珍萬鎰羅紋角浪皴生暈金聲玉德溫而栗端產  
遠遜評自古何況鳳唳敢偶匹坡仙戲句急解嘲一語妙  
開生面別碧天照水風吹雲世誤解景詩意失我今見君



如見詩世若識詩君亦識因憶執法孰與君兩俱尤物璠  
璣瑟一償夙願欣過望摩挲日夕銘自刻吁嗟物堅人苦  
脆墨尚磨人我心惻作詩傳後庶不朽善守寶矣莫坦率  
余家昔執法研世無不耳其名者余又不甚珍祕遂  
爲李梅墅令君所得後數歲己卯春三月有要人  
疑尚在余所托相識來覓因念執法若昔年不去  
今亦勢不得復留覺胸中繫懷頓釋今余得萬石  
君復不鑿前轍作詩張之或以規余余應之曰東  
坡龍尾鳳味今不知子孫尚留在否世人得東坡  
龍尾鳳味慮必視爲天球弘璧能使後世知有此  
龍尾鳳味之人亦如東坡否微論後世今亦不知  
爲誰何氏不且爲龍尾鳳味笑乎然則當愧余張

之不力也於萬石君又何慮焉因長言以廣之

與天作石何時始意混沌判卽有矣斲而出之自唐宋皇  
古孕結難數紀天珍地祕久不保流傳况復僅人世開元  
之間龍尾出造物有數勢莫止我今入手更荒遠前千餘  
年瞬息似主人傳舍主非真石作主人人寓耳寓意緣知  
等寓賓賓從不佳主亦耻愛君寶君遂君君冠以萬石爲  
君字錫名刻銘作歌詩讚賢主人賓有禮或言良賈貴深  
藏盍守若虛師老氏巧取豪奪古來有尤物何嘗傳俗子  
况君亦一天地客顯晦利泐恒難恃作詩張之名不磨長  
留天地人爭齒卽遭擣練與支牀某詩某石猶堪指主人  
與客兩塵埃文字照世存獨歸君聆我言謂良然懷千歲  
憂詩試矢

題廉讓我與我周旋小照

我生本無我真我定誰是知我有我人我見良謬耳廉讓  
腹空洞中可容數子何嘗慣絕物與我相汝爾忽欲逃空  
虛寫照寄微指握手一形骸把臂兩彼此披圖笑可三對  
影侶竟四此意殊超然汗漫得涯涘但念六鑿擾衆我勃  
谿起何如無我存一我亦敝屣如分無盡燈如照聚散水  
多多雖益善無一可舉似不然我則我真我亦勞止紛然  
兩我間周旋何處使請君向圖中叅悟究此理

和汪紫山桐庠十咏

雙桐聳翠

龍門雙樹翠陰圍須信丹山覽德輝鳳幹一枝留世澤高

岡真共占朝暉

紫山先世曾  
司教桐庠

覆閣丹楓

小閣秋林渥似丹霜楓葉醉壓層闌桐江不比吳江冷作  
意蒸霞借杏壇

觀成繡陌

明農學稼總吾師穉稭雲黃穫咏坻瞠目飽看豐歲樂只  
愁弟子笑啼飢

大奇夕照

爲霞截業照宮牆疑有文苾萬丈強銜嶺半規烘錦繡伴  
君四壁奏絲簧

月湧晴巒

光生山翠直叢叢雲斂波舒江漾空無數煙鬟明鏡裏疑  
君絳帳似扶風

千峰積素  
玉筍干霄几席環若羣弟子立孱顏洛城破屋君非比寒  
士歡應庇萬間

深柳啼鶯

金衣睨睨一枝安絕勝塵棲集  
他鼓角整巾冠

幽巖老桂

輪菌巖綠蔽層巔雲外天香閱  
花古屬桂堂仙

橫江帆影

遠空雲影忽沿洄木末帆飛浪  
居閒識濟川才

溝水西流

小澗東來似應潮文瀾學海發  
漢乘槎到碧霄

送念祖兄之涇縣借查田送之解州韻

輿歌子美愴前塵瞻拜重來廟  
念祖尊公任涇縣令祀名宦

無恙  
桃花千尺水此邦應念葛衣人

清霜淺瀨攜征棹紅樹青溪足  
霞亭畔插萸時

天寒遊客憶綈袍棠咏懷賢况  
然風共敬亭高

聚首無何客思催斯須絮語數  
期共把竹林杯

贈張雲上

秋風拂檻思蕭騷有客迎門發興高舉世輸君刀勝筆雙  
鉤真蹟頰添毫

漢廷刀筆半名臣善技君今尚食貧莫嘆生涯緣底事此  
中不朽有安民

寄張南山 已下壬午年詩

西湖名勝况家鄉結想遊從極不忘金石我樓山共古圖  
書響聞水增香尋幽有伴隣梅鶴攜杖無錢貫驢驢寄訊  
浮亭今好在秋波相約更徜徉

和廉讓寄示歸舟十絕句

萬松嶺上黃千樹 蘇思訓堂前蠟作堆漏泄春風江不限  
緣知箇樣客情催 余時在嚴陵約北山廉讓必俟余  
歸始別竟兩不相待原什咏蠟梅

擅勝青溪號錦沙東坡清供此堪誇早知君愛傾江贈壓

倒芝巖未是夸 原什得新  
安江文石

蕭齋憶昔集交知蘭氣吹人妬語私弱植今逢君拂拭不

教霜露獨含凄 原什得秋蘭因  
追憶被蘭往事

好鳥雕籠受繼羈如君珍重亦奚辭他鄉遠去情同訴應

悔深山不忍飢 原什得  
兩畫眉

齧菜吟詩跡白恢負薪挾冊亦豪哉莫言曹仲荒生業中

饋粗諳捆載回 原什歸舟載  
黃芽菜山柴

木厨筐漆費肩挑行李蕭騷北藥橋垂橐遠歸休屈指入

門素手不能驕 原什憶胡  
北山到家

鹽車世事日磋磨風雅情懷鞅掌何我輩那堪行作吏春

浮余亦憶槃阿 原什憶梅  
花峰主人

兒輩年催憎此生聊將老學伴頑形魚珠鼠璞逢時耳心  
太平教砥樣平原什憶余新製放翁小硯真宋硯也

老屋如僧官長家羣峰繞列競排衙丞哉丞負山無負長

看菴中吃苦茶原什憶二尹劉杏山未句用雪嶠詩話

花鳥圖書載兩頭羨君到處儘夷猶歸舟好友偏難共牛

馬羈韁曷罷休予自嚴陵回淳遇北山廉讓於小溪停舟聚語歲暮意欲附舟東歸而自念不可黠

然分袂不啻如蘆溝送客悽愴傷懷也

上巳前二日思訓堂為廉讓餞飲中席留共修稷遊

老鷹巖廉讓作詩允留余同劉明府適以事他出

半道即歸是夜大雷兩次早作詩招之次原韻

歌驪愴分袂維駒喜荷諾君留友情牽我出官身縛決辭

逐隊走恐悞修稷約此意竟不遂堅挽計悔錯泥塗雨衝

暮潦倒席坐昨履險登危蹊牽率拚肉薄忽然雨阻歸快

若魚縱壑磔确爭灘溜開朗散雲幕舟駛腋凌翰心喜花

生萼因思鷹巖遊晴晦慮前却雨則我乎主東道近可作

宵雷忽大注晨起齋厨索家釀頗清冽藉盤隨澹泊吾儕

良辰聚慷慨聊寄托銜盃歡有餘何事歎鴻雀濡首興須

豪失箸語可謔况我志歸耕後恐天涯各和詩速諸君卜

夜無算爵

劉明府邀諸同人遊鷹巖疊前韻東廉讓

遨頭命遊駕偷暇了畫諾快此鷹巖行暫釋塵網縛招呼

我輩出一踐上巳約劉侯鸞鳳儔棲枳真鑄錯胡君天下

士仲呂編紵歲訂昨蔭垣與杏山壯志青雲薄而况廉讓姿

瑚璉兼邱壑我亦廁其間連衽成帷幕惟時青芙蓉霽若

出波萼層巖曲磴盤弱步修途却聳石勢翕張奮翼儼嗅  
作軒然騰高青歛起脫絛索頗疑家鄉山雷雨寧  
間有山名鷹窠對此增客喟我生終安托卑飛槍枋榆憶去燕  
雀卽今良辰會蘭芍誰贈謔不如歸去來是鄉老可各笑  
彼形役子惘惘縻好爵

趙止菴先生詠詞

先生河嶽英靈儔天水舊德世作求薦生徵夢祥雲浮弱  
冠艱苦勤呶嘔奮身科名希前修當途拒招弗身謀公安  
盤錯苾苾游二難三弊旋爬搜天潢炙手燄焯焯強項折  
之擾且柔流氛蛇豕力綢繆鋤強釋枉起瘠溝小試妙割  
無雞牛治行第一考最優行躋清要抒謨猷康莊未展風  
木愁際時多故遭族讐修却祖兆尋戈矛棄車殺馬避他

州巢傾卵覆釁未休狂燄虐播毒矢流歸無立錐德自周  
坎珂爲善哀無鳩練裙葛衣時卹收硯田耕舌如服疇教  
書甘老無怨尤皇天陰隲綿箕裘鳳毛驥子食報酬先生  
厚德比太邱先生異政邁中牟高節五柳衡門幽家風萬  
石榮數騶茹荼偕隱有好迷治家教子賢逾歐騎箕帝所  
拱松楸如頽太山壞棟桴於誰仰止世澤留清節奕葉膺  
殊麻附名文字垂千秋

次和曹廉讓三疊前韻寄懷之作

新什來探喉督和如負諾長城心自降詩壇幾面縛憶昔  
夜送行分手事依約情牽語多絮立久趾屢錯歸途燈火  
散懷抱惡猶昨伴來辱珠玉厚意可敦薄邈懷苦吟人取  
友甚豁壑高談客揮塵素心賓入幕相親真應求異愛逾

花萼二仲余昔忝三徑步今却負此一出慙長恐移文作  
君每不鄙遺尺素慰離索今春書畫船惠然青溪泊詩酒  
附後塵鳴蠅欣驥托忽焉捨我去吟壘樂鳥雀鬪險失競  
病驚筵寂談謔卽今三而竭尚可旗鼓各約君收餘燼百  
戰奪勇爵

次和木文師見訪

悔出山騰笑思歸鷗負盟跬音忽飛錫款語共前榮宦苦  
多如海詩雄孰擅城十年雲水別鶴骨倍姿清  
一笠飄然至身輕羨所之臥雲尋舊雨銜袖出新詩藉甚  
編年富歸歟玩歲遲心期容入社今更結遙思

題木文和尚鶴舟圖

負風雲翼搏擊水溟魚徙胡然風水遭縞衣乃可使吾觀  
此圖中人與鶴相似仙翮謝籠樊清姿脫泥滓住世有鵲  
巢前身或船子雲水真道存鍊形無汝爾所以九臯禽共  
載如折葦不然鶴船頭何異雀瓶裏

童履旋雲溪依園

高人愛山水得意寓欣賞山水愛高人得名留天壤淳安  
童君賢屈指應難兩小築以依名綠水園其上雲溪清且  
漣已作高霞想跨池構涵碧雲水更蕩漾春波色溶溶夏  
雲峰朗朗桂巖秋容淨松嶺冬濤長念齋與甕菴窻虛室  
明爽雲影水光兼翻壁射楹榜面南竹山蹲側立雞峰仰  
風雨晦明時瞬息幻萬象可釣磯垂竿可涉園曳杖邱壑  
覘經營位置絕塵坱豈比溪名愚或似川號輞主人吟咏  
侈山蒙盛名享余愧遊躅塵艸堂隔還往作詩張其軍容

許勝遊儻

題帶經堂花木六咏寄朱悔人

江南多名花羅生等草木無人芳自吐高標樂幽獨朱門  
漫駢羅酒肉泥塗辱就日乃向榮聲價騰輦轂登之大雅  
堂雨露均樸棧况逢生花筆題品異凡目妍辭香霧霏秀  
句沆漑沐冷然挹羣芳披拂春風穆遙思綠野開弱植筍  
俱玉視彼東屯老無乃嘲吟酷緣知所處殊更以遭逢卜  
走也材慙樗瓣香夙私淑况復東閣賢臭味逾菽粟所恨  
萍梗拘未脫蓬蒿伏但喜咀英華深嗟屏空谷不採獻雖  
羞榮萎感亦觸何當附澗松或者備林檎傾心托葵誠願  
弗遺資棗

次韻劉遐矚都門寄懷

髯戟音愴意直柔別來無恙訊從遊臨風句似珠生唾拙  
宦卑難酒博州憶昔吟情銷夜燭于今離緒泝春流開槭  
郢雪花飛朔乘興真將鼓剡舟

午日招徐五其雅叙次韻

蒲觴沿俗自湘濱好友招尋集令晨且共歌呼辭弔屈未  
妨著述道鳴荀縷絲色借難緇髮懸艾形閒解笑人行樂  
及時真續命與君吟約歲增新

遠塵道人疊石種草花作盆景甚有意致詩以贈之

下士談神山弱水隔萬里卽粵秦漢皇奔走勞望祀道人  
咄嗟間異境隨十指瓦盆種草花拳石佈巔埃或規員嶠  
浮或削方壺峙金堂環堵室方丈南郭几寸莖抽纖英瑤  
琪間紅紫忽此塵坱中蓬閭呈尺咫我思人間世何者爲



真似觸境分雲泥涉跡判朝市紛然搜吾寧與物相緣起  
孰能澹若忘大類狙怒喜道人殆天遊尺宅仙所止隨處  
有真境游戲聊爾爾

題沈靜菴四時行樂圖

謝山春秋遊陶陰日夕惜劉悲老壯髀葛抱朝暮鄒古來  
志士心光景戒玩惕小山于四時閒過恐棄擲節物驗換  
移榮落警瞬息異彼寄情者梅林菊靖節所以終歲景寫  
玩成巨冊啟秀而謝華對之增夕惕此意良可師披圖我  
心惻外論殊不爾草木噪蝸蜚

歸家喜允文姪見過次韻訓之時秋闈前一月也

歸來似省孔賓呼掃跡閒庭俗駕無忽對入林賢勝阮尚  
憐屈首困如蘇造車合轍行堪出把酒論文且共娛藉甚  
仲容今益壯慙余曳尾美泥塗

次和允文姪時以試牘見示并作詩及先君子庭訓  
故答其意

憶昔陶徑開趨庭董帷閉師友敦詩書吟諷忘寢寐子姓  
多振振問字跡相繼大雅望所宗風流引勿替談讌無俗  
氛汲古析真諦唯知守耕讀未省善交際迄今典型遠讀  
書少倫次稍知涉獵粗卽擬青紫致阿咸昔親炙中有特  
立意竭來出新篇心苦經營瘁讀之歎鴻文洗洋多恣肆  
以此針芥投詎比媚時世嗟哉學術衰陶頓樹文幟直須  
工廢舉便可高位置何當攘攘中復此論文字君言受先  
訓誦讀每心醉學古果有獲未必終世棄兀首甘蠹老項  
領鄙兒戲我聆涕垂膺更喜笑掉臂試語逐臭夫文章乃

芳餌

題黃生雲鴻痛飲讀騷小影

我初未識君疑君京師久紛華見可悅名士例奔走伯氏  
每譽君清苦共宵晝文行兩超軼髯也真勝友今來欣既  
見文戰始邂逅握手談未暇粗識眉宇秀披圖更覩君把  
卷對尊酒片石趺坐坐遊意無何有襟懷知磊砢富五車  
八斗試問軟紅塵有此佳士否澆胸書傳香績學醞釀厚  
捉鼻恐未免莫忘青瑣舊

柬同學周詵宜時秋闈第二場也

積雨濕琴書涉塗污襦袴旅寓念吾友僧舍獨穩坐闈戰  
袖手觀真此孤雲臥時寓雲臥山房憶余昔少壯鞭弭從亦頗今  
成兩禿翁君我俱碩果埋文口藉劉揮日志遜魯甘此善

刀藏不復餘勇賈湖山秋正佳閒孰我輩伍况此霽色新  
乍沐山更嫵胡不連袂遊風月不禁取尊酒寄兀傲塊壘  
澆肺腑得句翠微間千乘輕一羽

喜兒子世僖得橫山顧山人書臺硯

山人名况研乃金星龍尾石

自我談龍尾文房夙習破搜尋到圭華剝缺出塵澆所見  
無慮百妍醜雜小大忽覩黝璧拱歎此光照座美澤真可  
鑒銀礫燦星布詢何從得之云自橫山顧有唐逋翁物後  
嗣貧充貨好友勸急取作詩志私賀而我更喟然兒豈易  
負荷橫山忽千載此後應旦暮寶共天下惜我什聊呵護  
幸非敬宗污或可天石伍坡公幼時掘地得石研老泉曰此文字之祥也因名天石

前題次韻和孫允升

品硯必端溪久矣論之固婺源石脉窮後世乃異趣蘇子

昔求歛龍尾意所注聲價壓琮琥紋浪吐雲霧比玉士稱  
俊宜墨庸非附而况唐代遠橫山世傳顧云是書臺物研  
磨昔充賦千載氣鬱葱望若文囿圃忽焉世澤移入手如  
逢故德真堪結隣狂欲展拜具因思華陽逸高蹈予夙慕  
摩挲手不釋慰此生平素置宜清閤閣陋古董舖好友  
詩復佳把玩兩堪娛頓使嗜端癖不敢顧前護嗟哉敬宗  
硯歸蘇可云遇其如名實乖瓦裂等朝露何似橫山老名  
與終古住端歛且休論顯晦寧諉數世應知此意莫作駿  
馬賀

前題次韻再和孫允升

書臺石友忽來隣几案欣添法物陳墨彩發光髹遜澤星  
文散藻拂逾新鍾王派別君堪譜燕下珍知世少人何幸

兒曹褐懷璧可能傳後勝籛銀

恭紀

萬壽時巡七律四首

已下癸未年詩

閶闔春和瑞靄開萬方嵩祝殷成雷上林花燦桃初實仙  
種根蟠李正皚日麗傾心羣北拱風薰解愠早南來

楓宸有道歡無極仁壽斯民遍八垓

禁庭祝嘏

之采佳氣接滄洲法駕觀瀾此豫遊暘谷煙霞塵外賞蓬  
山宮闕望中收春濤鞞鞞鈞天樂仙宅空濛廣野樓更識  
吾

皇多燕喜無窮海屋歲添籌

東海嵩呼

洪流底績仰

宸謨微禹其魚德不誣鼉窟濤恬鴻雁靜鸞車雷動鵠鳩

蘇永教伯若安疆索頓盡龍蛇遠放驅婦子千邨蒙主澤  
恒河沙數祝皇圖

巡視河成

梅柳江南早逗春聖湖待幸景逾新堤舒茵草因承輦山  
獻雲容為望塵汪濊恩波三浙似岡陵嘏祝兩峰真小臣  
家世沾優渥就日尤欣引領頻

西湖望幸

題方伯陽柳陰撫琴小照

揮絃閒對綠粼粼閬若披帷樂自湛門柳何須羨彭澤琳  
琅珠樹恰成三

清音山水響非賒流水高山志自遐對卷試聆君悟取琴  
耶山與水聲耶

酬劉遐矚寄懷之什仍疊前韻

春寒對雪翰濡柔步句難工憶昔遊面目尚餘慚海若交

朋賸喜識荊州秋鴻社燕音雖左楚尾吳頭水自流何日

都亭還止舍不教苦羨剡溪舟

去夏和什寄都劉已歸楚

寄朱悔人時合石泉

叱馭遙傳絕險行深山應信長官清不愁僻邑如丸大自  
擁胸中百雉城

僻遠蠶叢絕塞分邊隅可化亦同羣鳥言夷面今非陋翠

繞珠圍識使君

朱攜新娶同赴任

竿橋險極不通車姑射神仙解步虛只是絕塵君恐後于  
思棄甲待何如

拳大王孫石樣頑衙齋供奉可盈班欲求數輩來消寂鐵

獺青猿共解顏

飛鳧聞說到青溪牽犬余方俗累稽多謝髯翁勤索句紫

芝未識恨緣睽

朱寄索  
送行詩

相望吳蜀兩相遠尺素多愁道路遙幸有中央劉好在浮

沉應不似洪喬

遐矚居楚此詩  
即寄遐矚轉寄

閒官無賴泥溫柔君又先余燕玉謀他日往來成二老不

教蜀叟擅風流

余近買  
一侍兒

繁華作宰劇羊腸陋邑分符樂未央金屋石泉仙不羨鄂

君被擁合君香

### 石泉篇寄朱悔人

石泉難難于上青天高車駟馬不得過繩橋徒步愁攀緣  
吏人邪許或推挽髯雖超軼防擠躓石泉易于履平地  
小君飄飄穩若吹長裙利屣行如砥燕髻鴉鬢不動塵凌  
空綽約真仙子君不見仕途夷險亦何有名區徃徃成畏

藪誅求吏谿絕壑深考成法峻崇山陡豈若僻遠此陋邦  
弱步不怕欹豐扛鳴絃政知琴瑟樂種花顏與傾國雙詩  
翁無事長捧腹官閒老暖快意足境雖履險官不險無災  
無難公卿卜崆峒密邇休須訪天上官府多屈曲

### 寄石泉明府朱悔人叠移居韻

捧檄聞君鳥道窮從今化蜀繼文翁風流絃誦聲堪邇醞  
釀詩書聖可中官閣人閒生室白陋邦俗古不塵紅是間  
吏隱同真隱赤紫何須望太豐

衝寒蜀棧衆山宮關尹先知紫氣東朝日聿來傳走馬陽  
春遍暖不號蟲城隣絕塞蓬婆近人在西方彼美同果是  
神君能集鳳却攜弄玉跨樓中

把臂緣疎意黯然倚闌西望坐頻遷知君行樂描眉黛正

我懷朋理誦絃千嶺停雲瞻落日一江遶郭羨歸船何年  
投効來行脚待到崆峒令訪仙

蜀俗嬉春集履裾石泉可染此風餘大夫射貫如臯雉衆  
母乘同有女車茲日遨頭民共樂他年除目課堪書休嗟  
地福難容舞遺老娛神計未疎

湘水幽居隱薜蘿怪君宦跡亦邱阿橋過萬里隣封少天  
近孤雲一握多坐擁書城煩臥治豪吟襦袴和烏歌左楊  
嚴馬家何在可得從遊共切磨

一麾萬里宦能閒拄頰週遭蜀道山巫嶺雲來朝暮是瑤  
池仙近簿書間不愁被暖衙須放且愛堂空版自關老我  
菟裘休亦得人生何處脫塵寰

極微邊城吏贖清山深真欲斷春鶯鶴琴鴻案陪遊從釵  
珮鈴齋辨色聲雖客不愁宵聽笛如賓可樂坐吹笙延津  
干莫原應兩雄劍嗟余一每鳴

似女辭家出敝廬一官耐得且閒居業春可賃身安庶寄  
食從人跡混漁已勝躬耕全性命何妨夙好老詩書寄聲  
玉壘天邊客莫歎投荒百不如

寄答念祖兄新安官署來信

頻年判袂憶行窩一札遙傳慰寤歌蠅楷魚箋知好在黃  
山白岳可遊麼棄泥宦跡鴻留爪訪勝羈踪蟻逆磨那得  
彭城爲坐客待隨杖屐探煙蘿

時大立  
宰新安

蕭山張邇可以注杜及詩集見寄

把卷燈前幾夜分低頭頻諷宛逢君箋詩不數淹三篋琢  
句真疑落五雲曲折苦心刪俗諦

張注杜不  
事穿鑿

縱橫吟律張

吾軍仙都望處人如玉塵躅無緣鶴共羣

寄宗人高大立

渤海淵源遠漸紛竹林非據敢當君識嵇昔幸親中散拜  
紀今應為長文何柳宗枝昭穆序杜劉苗裔弟兄分吾家  
行輩曾矛盾數典還須正所聞

宋高烈武王諱瓊五世孫文端公諱世英暨忠節公諱世則修撰公諱世定俱從高宗南渡至浙吾家九世祖東園公贅海寧陳氏為遷祖實文端公十世孫也而嘉興高氏遷祖太常文忠公實忠節公九世孫也兩家世系輩次可考今念祖大立俱烈武王二十四世孫應余輩雁行無疑顧先世反因年誼重疊稱謂不一今于念祖為同輩而大立猶堅執子姪禮殊未畫一詩以貽之

題陳鳴遠柳陰放棹圖

散人樂江湖達士耽藪澤養此麋鹿姿自得魚鳥逸鶴邨  
煙霞人泉石成痼癖偕隱有萊妻樂志共蓬華貌圖林泉

間冥鴻避繒弋一笠釣叟艇五柳處士宅逍遙無何有真  
各適其適

題汪紫山桐江秋泛小影

桐江秋色佳乘興泛輕舸霜林映遙青澄水涵遠素况復  
蒲帆張去聲風飽機殼弩快此一江練迅若擘箭破中有淡  
蕩人夷猶默燕坐試問會心處笑而不答我

題徐五其林泉小影

南州有一士碧桐與翠竹胡為養幽姿樂此巖壑獨畫筆  
師煙雲詩聲振空谷澄懷靜觀道枯坐禪不縛謝山遊寫  
歡王竹看醫俗佳人每高寄君豈異前躅只恐置此中不  
免鼻還捉

廉讓索題偶客圖小照

我笑彭澤宰歸戀栗里宅棄官未棄家廬愛人境結又訝  
玉局翁到處營棲息終老計五畝卜築遍竄跡何如此高  
寄隨身只兩膝神馬與尻輪逍遙御風列意行忘近遠冥  
情任偏側試問造化兒孰與君主客我亦慕天遊不速莫  
余逆

風潭夜月

冰輪潭湧月舒華彩射沙星映落霞粧鏡晚開龍女匣夜  
珠宵燭水仙家晶宮流汞犀同照蟾魄涵波桂可槎最喜  
太清無點滓不須寸刃剗妖墓

和鮑露岑先生梅花十七咏

千瓣綠萼

綠萼仙姿翠作鈿豐肌綽約自嬋娟月明蛤帳宵增好雨

過驪泉浴倍妍未許天寒愁倚竹劇憐日暖欲生煙珠聯  
璧合知無價一樹琳琅是玉田

單瓣綠萼

亭亭皓質蠟爲跗五出瑤英雪遜癯白擬雲容還似朶粧  
疑衣縞只勝銖橫枝影落餘攢聚孤月光空只有無我愛  
涪翁評跋好水仙兄弟亦良圖

千瓣照水綠萼

層疊瑤華宛水中穠姿素襪步凌空娥池影畔顏如玉浴  
殿風前態若鴻花重江城吹落少香浮鮫室暗還通晶宮  
人睡知何似額點梅粧可許同

單瓣照水青

冰姿凝碧愛臨流墮砌仙雲薄似鏤瑤沼靈禽王母使洛



川翠羽宓如遊輕桂體稱凌波面寒鑑粧新帶佛頭低亞  
芳心謝凡艷只耽煙水自含眸

硃砂十七瓣紅

芙蓉砂色染瑤英指點芳姿二八羸碧玉含羞常頰頰翠  
鈿待嫁帶顏頰用韋固事林端散彩丹升鼎瓣底流殷泣化瓊  
從此羅浮仙可學餐英藉爾覓長生

三十六瓣紅

紅粧匝匝護丹葩艷質凌寒互蔽遮春色漢宮同簇繞仙  
都真宅比繁華若教一樹嬌能語便是諸天女散花寄語  
封姨休作惡惜他片片落如霞

單瓣紅

雲樣裁成五朶同茜綃如霧綴芳叢瓊英刻葉疑人巧絳  
雪生花信化工桃頰艷留酡暈湧櫻唇含綻口脂融比紅  
顏色能如否護惜休教落曉風

大瓣嫣紅

看疑桃杏是耶非鶴頂猩唇異樣緋羣玉山頭榮若木衆  
香國裏集朱衣霞天散彩風能舞綠幄成陰雨亦肥若使  
人間流出去也應忘路問津歸

楊妃玉蝶

分明媚蝶是花神艷絕真成冷太真國色朝酣潮暈卯玉  
魂晝栩栩粉生春林亭雨後霑紅汗條肄風前舞翹塵我欲  
溫柔鄉伴老種三百樹結芳隣

單瓣玉蝶

一樹芳姿蝶翅輕鬚柔粉濕自逢迎纖容態可隨飛燕含

意嬌堪伴坐鶯近晚風前花舉舉照清波裏色晶晶若爲  
幻化皆金玉留助新粧國共傾

檀香玉蝶

異樣芬菲物更尤翹裳粉翅綴枝頭輕翻鳳子暄成陣馥  
湧龍涎夜更浮玉尹有魂迷月影蘭芳竟體擅風流夜深  
只恐花應睡夢穩真嫌翠羽啾

單瓣檀香

蜜蕊羅羅自吐芳疎花淡雅鬪明粧寒心未肯趨時艷勁  
骨偏宜發妙香繞屋春圍梔貌古臨風舞簇翹塵黃何郎  
荀令都憎俗姑射仙姿未易方

縐葉檀香

裁成霧縠簇花房雲葉團圍護國香飛燕風前裙襞縐荀  
君到處坐留芳鱗波落影參差玉翠袖籠膚淡薄粧可是  
東皇工狡獪故將剪綵試都梁

臺閣重心

花房層構疊瓊瑰洞戶交疏巧樣裁自擅化城迷翠羽不  
誇夢穴幻庭槐浮香重閉真疑國積玉週遭合號臺仙品  
神州居可愛陋他富貴說鹽梅

青螺單瓣

宮螺含黛艷傾城拖碧尤宜照淺清色借帝青原淡雅粧  
成佛髻亦輕盈變姸秀有羅浮翠窩靨妍無蠻觸爭不比  
內家誇五斛永寧蘭麝若爲情

朱蒂胭脂雪

點染猩肌類守宮紛霏絳雪灑芳叢遙天唾落紺凝袖曉

殿酣餘汗滲紅冷伴蜀魂啼夜月暖隨湘竹嘯春風自然  
麗色人間少薄小施朱幻化工

野素梅

樸野丰標太古神素心冷淡樂天真無言已覺溫如玉不  
媚還應敬若賓雪臥深山甘獨老香生空谷亦逢春園梅  
爾殿非凡艷品壓羣英讓絕塵

同鮑露岑先生遊石山菴

近署牛鳴地石山枕左股懶跡不出門勝境失庭戶非甘  
山水疎畏觸俗塵苦茲遊追謝屐蕭散亦踽踽意行無逢  
迎弱步乃勇賈崇邱望城闔空若一塵聚鬱鬱笑久居累  
足限環堵何時拂衣歸種菜學老圃

孫允升寄詩見懷次韻和謝

每逢龍尾懷孫楚含凍吟投隔歲年若不陽春來好句何  
緣白雪滿遙天一時人物溫如玉他日詩章集待編多謝  
新箋頻却寄真令思發又花前

寄答方若芳

徂歲厭羣動睡美閉書閣忽讀詩一編蹶起愈煩虐爽氣  
攜皆山秀句吐芳葍若芳集名古淡陶爲神排鼻韓配格不信

太瘦生健若強弩曠風雅今借途銜玉粲可博若數真作  
家屈指無幾脚竹垞嚴壁壘朱太史已畦多氣魄葉進子

湘工敷腴邵文學長蘅松坪秀岬嶸孫翰林致彌信今後必傳狂評

頗堅鑿餘豈乏名流偶炫等石爝斯言舌每捫衆怒口恐  
各吾子詩入室摩壘漸肉薄論余謬論持果否信非錯憶  
識子齟年時文僅糟粕卽許讀書種道藝果朔襍自幸言

而中老馬似無柰所恨山城殊未數晨夕樂詩來占志趣  
矯獨雞羣鶴俗病悲薰舊前修辨碌瑤余亦倦塵鞅閉門  
行掃却假我三十年與子不朽托此意定何如因風共然  
約

題王御閭秋溪夜泛小照 已下甲申年詩

謫仙捉月臨牛渚玉局嬉流泛穎湖聲色江山誰禁取濟  
川舟楫似君無

奚囊挾卷敦吾好霜菊餐英遠世憂窺甕小僮知解事不  
須送酒待江州

烏衣馬糞舊名家今識姿儀柳不誇短棹來疑乘夜雪長  
風送似賦秋霞朝頻拄頰山增爽宵若吹笙月倍華最羨  
青箱兼斗酒絕勝塵尾與轅車 戲每句用  
王姓故事

履高索題其尊人舒荈醉香圖

居然霽月與光風靜對巖姿意孰同仙客伴人原絕俗修  
文合在廣寒宮

高嶺輪囷寂寂幽泣花雲露幾經秋家君似桂今逾信千  
古人間又太邱

學圃中小樹一本今春試花乃海棠也

行菜至小圃繁英鋪鞠裳忽逢嫣然姿照眼驚破荒誅草  
呼荷鋤拾瓦課培壤曩昔人未識棄置等道旁一朝遭物  
色花氣如飛揚僕僮亦世情作勞爭趨踰

自我來青溪每歎花事寂名品尤罕覲顏色滯胸臆常擬  
致盆栽登涉遠未覓邂逅廢圃中灌莽驚艷質試花纔數  
枝秀奪羣卉席徘徊日幾巡神交久莫逆

名花沒草萊歲久苦幽獨今我拂拭之德怨聊相贖花意  
若無有笑妄分瓦玉天公富羣英豈顧世眼肉本根自知  
殊何用薦華屋軒輊徒紛紛此理君未矚

學圃多種桃繁艷燦相映摧折意少惜榮落聽息瞬今此  
拱把材珍之疑太甚摩挲搜蠹痕剪剔去藤韌此意良偏  
枯物論或秣競桃花無怨言漫山自成陣

荒穢一畝園偶涉得嘉樹春風幾度過絕艷逢何暮養根  
雨露深吐萼桃李妬尚嫌衆論殊猜目凡品伍主人獨賞  
識國色出塵澆花魂似向余如慕復如訴

小庭有梅栽春風燦如玉亦有桂樹子秋月散金粟所欠  
惟海棠意每生不足詩編非杜老缺略良自慙慰情獲奇  
姿當春未忍刷移根待霜秋團圞如眷屬

今歲富建蘭乃有二十益羅疎遶階除風葉翻俯仰昔營  
羣書巢今領衆花長細帙見古今色香恣欣賞惟悔一出  
悞塵境心怏怏清福古云難高蹈發遐想

憶昔家園樹蓋覆數間屋花時侍版輿遊讌長秉燭賓朋  
盡典型談論竊私淑於今愴前塵百歲風燈促山城悅逢  
故相對痛生腹流落况可念紛紛忍更觸

曹二希文寄示癸未除夕夜坐吟十絕句用韻和寄  
除夕中宵事更紛富須會計仕趨君傾盆注瓦無心聽琴  
筑空階讓獨聞

耨硯天教力石田鋤毫君自會逢年奚囊積玉應拚擋歲  
計今宵未歉然

守歲皆因別歲難怪君酣夢意何安閨中氣味知長在不

比忙人惜歲殘

四序成功去不居天工尚爾况人歟詩鳴自足留千古深夜吟哦意可如

春纔將到想遊盤興發中宵待旦難秉燭從今須昧爽始知卜夜未爲歡

寒友相看作雁行如君似菊孰同芳高齋若許蒹葭竝四美年年守夜長

昔日周旋我與吾今宵形影轉非孤真堪憤樂相晨夕騰化何須歎我無

生機可悟休除草當路多妨盍鑿蘭美殺閒階栽遠志鶯花蝶夢孰相干

白傅呼兄吾儘有陳王憂老爾何曾却偏此夕遙同歎明早屠蘇最可憎

爆竹聲中除剩歲濃油盞畔伴陳人吐花應報今年喜換得長檠照一新

題採芝圖

玉質烹來狀嬰掌井藤夢得味雞蘇斲雅嘴筠籃滿可勝人間肉食無

戲柬花山馬寒中

夏鼎淪泗波周鼓任春白秦碑旣焚如漢璽亦抵掎吾聞古神物蒙難良所有花山書畫船曠劫事非偶深流失名香楠礫碎瓊玖尤惜華亭書至寶擲糞洩神奇歸臭腐龍蛇沒跟肘吾意好事人援溺必濡首庶幾臭味同豈暇薰蕕剖不見落水帖蘭亭寧死守不見破冢書筆法寶穢朽

若徒熏且沐見等蜣丸否論之辨優劣因風寄吾友

次韻和廉讓七月十四夜對月

秋日烈勝火秋月清逾霜午暘困餘暑晚風生新涼頓覺  
蒸醜酷釋然坐能忘此景似吾友今闕失前忙長日詩書  
伍清宵月影觴會心不在遠賞奇松竹牆來詩松與竹交  
影寫生移我牆  
有如東坡老槎枒生肺腸而我苦俗累未得歡連床別懷  
常鬱鬱逝歲空堂堂卜夜陪追勝為君咏清光

和廉讓夏雲峰

木假山名

眉陽木山出江岸沙吞水嚙生峰巒蟲蟻豪酋神物顯非  
斤非斧因波湍廉讓木山出幽谷霜鑄雪鏤呈巘岈何以  
辨之殊色理非腐非蠹質堅完主人庭除足泉石置此几  
席增奇觀注水修紳瀑懸布蕤香浮靄煙烘嵐穹窿座右

案銷暑翠律硯北池生寒因多奇峰名夏雲如日返照渲  
赭丹非白衣類非蒼狗真疑火傘張炎官主人閒情若冰  
雪不因山熱居之安吾亦欲買成小隱脂車秣馬從于盤  
木公我遇拍肩可毛女君逢老伴堪主人常欲  
覓一老伴大勝壺中  
仙境幻梅老隱邱語非謾

酬廉讓疊對月韻贈余惜別

會合因休夏分張迨未霜新秋當惜別此意已淒涼去每  
遙如結歸寧愴若忘古交多水淡俗狀盡塵忙就是人如  
玉誰歟醇在觴惟君少同志幸我宅連牆夙共詩書契今  
分上下床卑棲嗟戀棧績學羨登堂別後知何似還期附  
末光和時悞少腸  
字韻今仍之

用韻和汪東粲石人峰

石丈峩然卓水濱，胚胎渾沌出天真。性經未許心能轉，貌古應堪友共論。袍草生青成隱士，雲衣曳白類山人。蒼茫獨立忘年歲，閱世無涯可問津。

造物無端肖寧馨，偶餘媧煉劇搏形。言時自昔曾傳晉，點處從今信聽經。山骨秀鍾多骯髒，雲根顏潤不枯榮。攘攘來往都如醉，此老頑然讓獨醒。

小姑神女逸人間，此獨逃名混俗寰。介石情應甘漱枕，臨流跡更倦津關。巾淋雨墊形疑郭，膊聳風生勢信山。塊處居然成市隱，煙霞爲伴孰躋攀。

歷劫何曾受折摧，手標高峻挺崔嵬。櫛風似振裳衣楚，繞電如逢笑口開。相對無言真不厭，莫愁抱璞漫生哀。練溪靈秀鍾殊產，骨相崢嶸豈易材。

次韻汪尊士尊經閣秋夜聽雨汪爲米令君世兄時

八月十四日

高閣朋簪盍清觴，夜共傳庭喧風雨。橫坐錯屐袞連貴客，殊閒雅煩文盡棄。捐都亭舍車騎下榻愧前賢。

韓咏宵今好蘇誇人兩閱，其如愁灌注竟爾聽。潺湲夜晦來新雨，秋吟類小山他年窺著作，賜管定應斑。

廉讓次白香山江樓夜吟元九律詩韻見懷次和奉

酬時長至前十日

寒齋風雨夜，好友往來篇。展似談相接，親如席屢前。咀含詞造妙，反覆義超玄。長慶風斯古，元和體絕妍。高吟矜鶴立，逸響喜蟬聯。契濶驅毫寫，情悰遣筆宣。生腸芒角銳，脫手彈丸圓。別昔人披葛，懷今候襲綿。平分時序籥，六滿望



舒苙縮甚難工地離真別有天憑詩聊寄意味句每參禪  
晨硯吟猜共宵床雨夢連勞思應爾耳臭味倘其然所恨  
羈山署無從覓剡船等身期著述知己任流傳鬼膽奇須  
破天公豪擬牋文章高浪駕羽檄病風痊覽欲千山小躋  
應萬仞顛運斤生巧熟貫蝨務精專學遂官輕達名成命  
聽邇日歸尋雨舊逃醉樂天全此意藏之久于今約豈懸  
蹉跎嗟澤畔留滯尚江邊室邇懷人遠雲停望眼穿遼哉  
把臂飲逃矣對床眠幸托枌榆契還依文字緣求羊三徑  
友李郭共舟仙牘寄恒盈袖詩郵可紀年淡交非偶合老  
大得同憐勉保茲寒歲無徒歎逝川

方子若芳詩來乞言爲尊人稱祝

憶昔識子時月課廁童子總角工文章刮目實吾始兩年

國士知一旦頭角起采芹旋食餼賜幸言中矣省試約口  
腹嗇縮購經史捆載人盡噙埋頭自疊疊蔚然淹雅宗吐  
言見根柢著述日方富等身幾尺咫却寄時絡繹秀句光  
生几昨遣長鬚來古詩代徵啟翁壽登古稀乞言耀閭里  
首陳喪亂初艱難多避徒次言儒冠悞便腹靈光歸終云  
三男兒粗各曉文理幸逢蠲租年浩蕩足修灑翁媪况齊  
眉春酒行可醜詩詞述庭誥立言知大體把卷讀未終清  
甘漱牙齒因思太邱長元方季方耳亦粵眉山老大小難  
兄弟君家弱一個猶有鼎足峙席珍羅瑛瑤干霄挺杞梓  
老鳳將鷓雛和鳴協宮徵方今向太平昌運鍾濟美翁媪  
壽且康顧之誠色喜余也忝世講與翁輩行視又辱知子  
契一日長言以於此知不凡譚詞安用矢

訪仙居書院

有明三百年得失未究竟英宗辱社稷復辟事非正繼世  
皆龍種讜議孰敢更常論于忠肅不但功業炳奪門謀不  
與南內錮不諍大義如日星成仁守孔孟今觀文毅公亦  
遭石亨譖歸田事却掃十年同棄屏憲皇始賜環後事卽  
前鏡况昔景泰未定策惟公聽請立宣宗孫變置意可證  
氣節于公儔明哲全性命科名偶然爾品重乃堪敬卽今  
書院荒山斗望仍竝訪勝爲賦詩公論千秋定

初春遙憶閒園柬伯兄丙齋次己巳原韻十二首

己巳

乙酉年詩

歸思駸駸類發機家園遙憶滿春暉千章幹古凌雲瘦一  
沼波新赴壑肥螢案久荒身逐梗魚竿無恙跡疎磯趨庭

抱恨知何補決策從兄待拂衣

詩書蠹老伴丹黃兀首無成蓼備嘗悽愴江潭人似樹鬍  
鬢顛鬢髮盈霜傳經荒業慚箕冶索米營生笑筥筐歸去  
何如勤隱讀東山佳處勝巖廊

書卷移情久自怡園林招隱亦心期猢猻布袋謀身拙鸚  
鵡雕籠放翮遲誓墓只今寧作我將車擬昔任呼兒肩隨  
來往平生足莫負風流鬢共絲

爲園一水限東西高下樓臺處處齊三百樹梅今坐臥十  
千斗酒昔招攜額懸學稼庭遺訓地憶傳經室有題半世  
分張悲雨散逝拋雞肋共遊躋

澗枿橫斜影蘸波清疎勁質自羅羅種成玉雪庭前滿遊  
想衣冠月下多便得一山瞻岬岵猶如此樹感蒿莪只今

花萼俱無恙俯仰興懷忍緩過

石田茅屋好幽居同隊相將願比魚緇素不污塵却扇丹  
鉛堪讀架留書冥情鬪角消蠻觸忘物巢痕任掃除十畝  
閑閑忙底用官家歲月屬今餘

日涉園棲不厭勤叟松丈石竹呼君門如羅雀真遺俗客  
可忘鷗定狎羣書箠均亡誰得喪乙鴻自一聽區分煙霞  
許共吾脂秣從樂盤中却世紛

園林習益壯年諳師友相資取不貪憶昔遊從曾飽德至  
今尋味有餘甘研田共耨勤穠菘文浪爭高駕赭龕此債  
老應償更好伯兮將助樂餘三

囚山一望遠添稠吾土知非漫倚樓馬齒驚增甘伏櫪雁  
行思逐戀歸舟寒花炫日長摧雪病木逢春亦變秋只有

坡詩行可踐歸騎黃鵠訪丹邱

無心雲出帶孤踪頓隔千峰與萬峰蟻穴乘軒歸欠勇蠶  
窠懸乳累偏重勾留山水多虛語奔走塵埃益抗容復此  
對床知不遠從來風雨繫心胸

節物閒看眼一新滯留無計脫陳人相將把臂林窮勝準  
擬銜盃酒酌巡大小山吟多好咏東西陸住亦芳鄰有田  
可秣兒催種我便從今辦葛巾

顏朱凋盡髮添蒼歲減年增老漸傷長大人嗤徒帶劍優  
游自卜擬連牆行園有興尋阡陌玩物無心任頡頏耕讀  
爲生吾計得安之從者不謀桑

寄懷曹二希文次香山秋寄微之十二韻

新正懷吾友江流極望東住家偏號客

曹有偶  
客齋

有子未稱

翁粲者同樊素賢哉異敬通娛情庭架壑寄友句傳筒近  
學耽仙術牢關講道風浮榮遺敝屣進業挽強弓紫姹應  
成配黃芽定作叢真修膺十賚功滿殺三蟲有味談羅縷  
無心詔瞽聾得丹期我共餐髓願朋同不死非誇獨長生  
亦志公挈攜良可喜雞犬望雲中

詩成後人舟開去不及卽寄次香山早春憶微之韻  
一律俟他日却寄

偶客齋頭憶嘯歌新秋把別又春和披其帷入塵襟少對  
此君看秀色冬荒枯關牢韓設版汞砂轉就楚分波鱗鴻  
去杳難憑寄離思遙添喚奈何

題王東白遠遊小影

名職

仲舉不階一室孟博攬轡澄清躍馬知君何意眉間精悍

心傾

握手辱君傾蓋披圖先我着鞭試展絕塵驥足相逢可許  
周旋

題廉讓臥遊圖

幼輿一生邱壑少文四壁雲山何似苔痕枯坐不曾着眼  
塵寰

安穩雲根可臥夢澤胸吞幾個遊意無何有鄉喜君得坐  
且坐

石船和汪東粲

雲根肖艇類乘流不繫何曾藉纜收藏壑古疑媧作楫楮  
山今訝穆焚舟鞭如使馬應圓轉浸若稽天定芥浮我欲  
扣舷歌白石江湖滿地任夷猶

攀峽爲舟可問塗五丁作匠肖舳艫流經砂礫疑浮枅驅  
到滄溟待泛桴谷啟潛鱗驚負載壑藏有力不鞭趨由來  
千疊山排浪待汝乘風得破無

萬石龍驤重莫衡津梁山骨自崢嶸使時定伴唐陵馬吞  
處應遭漢苑鯨憂爲虛舟人忘觸枕因住岸友堪盟波瀾  
是處君差穩泛宅謀鄰老此生

青雀黃龍藪澤藏巨靈斲骨幻浮梁拏音中律應諧石拊  
奏成聲比鼓根無脚鼎扛山可拔點頭人涉海能杭駕他  
歷塊瓊樓去待負天風叫帝聞

白杜鵑花

芳苞雪色宛翎雛弱卉名傳杜宇俱月下春心迷漢珮雨  
中啼魄爛鮫珠姿清影伴胎仙舞質栩輕隨夢蝶遽解語

若能真素友錦官花重可思無

遠塵道人以募造浮橋留青溪三載今落成還山邦  
人士貌圖贈之余爲歌詩二章以送其行云

瓢笠來遊駐翠微浮梁願滿拂雲衣歸歟猿鶴應無恙只  
有庭松長舊圍

翛然瓊骨自夷猶布衲櫻鞵任去留堪羨還山閒弄月遊  
從何處訪浮邱

伯兄丙齋長詩寄懷次韻奉答

十年彈指守蝨官歲月飄忽舟下灘今春見兄喜握手夜  
話北斗垂闌干喜君顏色愈少壯健談便步兼加餐懸旌  
搖搖寸心結抵掌絮絮愁腸寬惟時海棠光照屋當庭紅  
雪紛瀾漫攜我軒前憑曲檻白頭相對紅粧看朱唇翠袖

真國色梅清李瘦桃嫌胖郊園無事足清賞良與世味殊  
鹹酸未幾分手兩倥偬恨不脂秣從于盤官齋夜雨更愁  
絕夢廻大被增凄寒日歸未決魚掛餌自笑跛驚行蹣跚  
羨兄閒園養幽姿百尺獨臥高樓端江山千疊我索處如  
坐深甕天仰觀遙思園樹先人植凌雲交讓拱且揖田荆  
珠樹各無恙春禽變聲秋蟹泣鯉庭苔長雖悵然謝山屐  
隨猶可及園花四時粲低昂邱壑數畝攢翠律草袍位卑  
霜鬢老尋枉郵能求尺直人生乞身要健強股肱何處使  
竭力拂衣從兄豈不佳棧豆決去萬夫特繭絲自縈蠶縮  
蛹裹足或泥柱膠瑟新秋來杭接兄書期我厚意難殫述  
此身形役苦牽挽澹懷久矣齊車笠逢場笑擬逐兒戲借  
此背城聊責塞三條紅燭窘枯腸譬如惰農偶力穡半生  
讀書了無用權以辛苦爲盡職寓樓秋月景最良吟詩月  
下細平章廬陵眉山兄奪席音和節雅安而詳讀罷神往  
儼肩隨離緒久鬱今飛揚秋高對床行可必只愁羶穰來  
跟蹌東山絲竹應啞啞午橋鐘鼓多鏗鏗昌黎和裴相公  
詩園林窮勝事  
鐘鼓樂  
清時塵鞿暫釋博行樂兄前弟後欣徊翔因風寄聲百  
里近仰看明月同清光

黃葉老人寄惠棕根盤一面

根斲枿欄巧肖盤皤其無脚信輕安蝸丁鱗甲膚如繡玳  
質犀紋節更攢欲貯檳榔嗤儉腹且盛苜蓿勸加餐珍投  
吟案添佳品短檠提攜伴夕闌

半年省試門不蹋偶擬逢場旋束縛靜如處女屏息聲生  
平詩械都高閣上氣結轆胸彭脰中乾外強疾交作一朝

決計壁上觀蹙然而起愈勿藥濡毫便作棕盤詩筆如有  
神信非錯橙齋先生吾師乎冥鴻久矣翔寥廓人生名利  
不受韁泰然豈卽非天爵先生辱貺因索詩虛空瓊玉慙  
酬酢東坡新詩勝秋水顧誇銅劍事堪矍我詩無似真不  
材只比溝斷難繩削願捧盤盂隨牛耳好音惠我徵宿諾

嘲黃疸戲作

棘闈思逐鹿仕學兩不暇柳汁衣未沾槐花色先借面曇  
壁坐臥身范金鑄瀉貌樞澤革膚汗赭浹背骸透庭喜可  
疑塗額廣更訝自審壘甕胸未省菜色詫只愁黃落候變  
衰此秋夜銷膏爍豐肌立骨支朽舍虛室楸兀空洞塵  
根謝吾聞養生家黃婆配嬰姪又聞守黃庭死籍可刪赦  
疸乎或美疾余也未渠怕

東遂初主人張暄亭兼呈兄丙齋

支離忽十旬終日親劑和遙憶閑園兄東閣開讌賀近懷  
遂初主朝雲侍讌坐人欣和氣融意愜歡風播惟余苦二  
豎空室兀困臥孤雁支寒更病馬疲旅馱兄遠不百里一  
葦浪堪破比隣有伯英日夕可數過限此病磨折未許忝  
叅佐少瘥又簡書將事理豆莖可惜十旬日何異不歸那  
始知有分定愁寂甘措大詩成啞然笑蠹簡還自課

方若芳惠詩四首次韻和謝

已下丙戌年詩

薄宦虛糜祿奇才得善鳴嗟余還帶迹喜子亦逃名樸學  
原無悶高懷祇自明新年暫晨夕病骨若爲輕  
邈矣無榮慕居然與古遊皆山真藝苑一室傲浮邱燕蝠  
爭昏旦蝸蛙聒夏秋此中分別處世眼可知不

傲物天生骨驅毫筆畏端富嗤因竈爨貴鄙沐猴冠俗躅  
看休訝書胸捫自寬知君瀟洒甚非意不相干  
春正貺嘉筵珍重寫新詩入手盈懷月成章出口詞搖風  
如覲面置篋不隨時勉矣遙相勗高之慎勿卑

口占贈鮑价徐若滄畫山水頗無俗氣

官署看山意自怡長嗟庸史俗難醫喜君畫筆天然秀冰  
玉西湖語不欺

華亭面目苦成傖黔突雲山咤擅名忽見揮毫能雅秀可  
堪埋沒誤徐卿

七里瀧

歙江滙羣溪萬派委一壑層灘注迅波勢比建瓴落南與  
橫江會傾瀉孰鎖鑰逶迤七里瀧巉嶮相織錯千山撐青  
空兩涘蹲岬嶿波濤劇迴環壁立互前卻峻疑天井觀逼  
訝石肉薄風氣始聚藏數州所橐籥古蹟子陵臺薛業鬼  
斧削東漢開氣節堅臥此栖托又有宋遺民慟哭西臺踏  
公羊踏階而走音若同志甲乙丙風義千秋各俱堪砥狂瀾截若高  
山作咄哉人地肖天意非禹鑿樂昌險似無瀧吏詩遜作  
賴有不朽人高吟寄寥廓

早發青溪渡

早發青溪渡晨征此亂流雉山朝翠濕蜃水曉霞浮自合  
聞雞起非關載月遊物閒人擾擾應羨宿沙鷗

舟泊桐君山

玉室金堂自昔傳桐君偶泊興翛然駐顏上藥攜鑱斲繡  
被孤懷倚棹眠霜雪滿篷江浸月笙璫盈枕石鳴泉明朝



塵躅知何地從汝巢山欲溯沿

千峰榭

古榭遺墟蹟已空惟餘峰翠直叢叢方干詩句留名勝傑  
構應輸寸管功

夢至方若芳家觀佛繪像意中云是智者大師所製

肅然起敬次日方子况友持示羅漢十八幅

破琴夢有十三絃冥契從來不偶然十八阿羅先示現得

瞻好相亦前緣

夢中即覺了無疑夢後須知覺已遲若識夢中原不夢不  
妨說夢未為痴

伸傷 已下丁亥年詩

羣兒皆授室汝幼獨依吾冷宦衣常敝蕭厨食竝龕年頽

防不了命短慮空辜官舍如煢獨縱橫老淚枯

慧質衰堪伴羈懷藉暫娛塗鴉解波磔寫馬異焉烏 兒未週五

歲未經外傳喜識字嘗教識龍馬等百餘字雖經數月後一識不忘又喜教寫字不過天人太夫等省筆之字已能波磔有致忽一日自云寫馬字乃從未教寫者竟身首尾俱全 偶出臨門盼遲歸倚檻呼

如今真寂寞愴絕甚窮途

索履呼歸去方疑致汝因 韓詩致汝無辜由我罪 拈香旋撒手始信

再來真 兒臨危脫去所買綿袍并索自己鞋諦視又拭面乾淨忽索香插一小瓶手拈數刻云如今我好歸

去 累重難偏愛官卑共食貧如何誤紅福緣分忽成塵 俗語

有老僧常投紅福之說兒雖病劇床褥無一毫污穢又臨終索香三炷坐起拈之而絕故疑是老僧投托其實學齋清苦平日衣敝履垢不知何所慕而來也

次韻酬曹廉讓移家北行見別六首

雨夜招呼款故樓 前兩日承招飲 君行我出雨茫迷十年別久人

嗟老一席歡稀首漸低陶令吾廬歸可愛莊生至樂避應

奚

至樂篇奚避奚處奚去奚就

寄來好句頻珍襲他日河橋憶柱題

膏煎人事歎無涯雞犬雲中學駐家三徑昔開無俗駕一

庭今落有閒花歸歎抱璞堪珍席憶甚滋蘭乍茁芽

見招之夕

余知移家有期索兩郎出見

屬和却憐仍聽雨魂銷燈炮不勝嗟

山城連夜

雨

兩膝隨身是處棲辭塵粉社去非迷也知梁燕嗔人遠竟

聽園枝拒客低擁髻情懷應泣趙炊屢歌餞不愁奚十年

彈指堂堂去待看紗籠拂舊題

詩交雖淡亦生涯失友幾如狗喪家遠望雲浮真蔽日孤

吟筆澁不生花雷能驚凍抽萌籜鼓要喧山發露芽自昔

應求同物理細看隻掌獨咨嗟

人海羣翔木擇棲一枝遙憶望中星火薪厝積裾休曳褐

璧藏深價耐低未免周旋寧作我何妨良賤且辭奚常談

見不談非謬鄭重君應大帶題

駒隙人生絕有涯一經傳後可成家劇憐楚楚階前玉忍

比離離陌上花仙翮長翎由啄菹國香變艾在萌芽坡公

老念看騰躍書種防荒別莫嗟

口占寫懷東方四學方

開閣非同處仲忍別枝偶似樂天賢

昔年余遣一侍兒

因君暖老

思燕玉爬背終須鳥爪便

此日閒過足可惜飲醇近婦亦良圖嗟余鸞鏡塵封匣無

復猶憐怨老奴

肅甚門庭聲落然後堂粉白不爭妍自嫌菱角天生性擬

媚新知號學圓

借用香山詩臣妾人人學圓轉因若芳別字學方故戲句及之

謝鮑蔭垣惠菊

暮雨秋英態更饒筠籃攜餉燦寒宵靜看有得心偏遠相對無言意也消列屋妍爭眉暈幻燒燈影照墨枝描感君澆植多辛苦博我清詩媿報瑤  
杞菊羅疎一畝宮頒分粲者斲籬東霜庭生意非因熱冰署移情可御窮辦整巧裁鱗作疊花新變現染難工瓶罍多罄勤栽置送酒無人免耻空

次韻和王東開

驛

初度感懷余昔題令兄丹麓小照

蓋今十四五年矣

人事無涯亂眼前有生擾擾歎推遷塵勞暗甚灰埋炭歲月忙過瀨放船題照識兄懷玉立詩鳴逢弟怕城堅昔光景真如電把玩何堪意惘然

丙齋兄寄示歲暮閒園雜咏次韻和答

已下戊子年詩

竭至詩郵遠跼然客款扉喜兄終歲健念我一官微閒守堂能構

兄自號守閑

吟頻緒引機信天原分定今是昨非非

閱歲年增邁蒲姿我亦凋樓花頻入夢壘吹若爲招步窘毫驅澁睛昏燭怕銷空階簷滴雨愁更聽閒宵

逸躅冥飛鵠鳴詩發叩鯨一編除歲什十畝耦耕情意狎同忘海吟雄自擅城波瀾人世有栩栩夢魂輕

荒學慚繩武卑飛悔策名閒齋貪習懶寸廩忘謀生夢不家園斷詩隨涉獵成知兄守裘冶欲傍讀書檠

前輩嗟凋喪詞壇憶昔從雄鋒摩勁壘大叩發鏗鐘醴設醺文字朋來撰杖筇於今成腹痛宿草護堂封

曲澗橋橫板幽巖徑卓亭招呼孤月友響答四山靈樹老  
苔痕剝陰繁花氣冥此間真可醉枕石不須醒

無何應日飲甘旨况非耽閩釀丹還九蘇詩閩酒赤如丹庭觴雅

醕三佳兒為眾母懷橘勝傳柑我笑潮陽守吟詩食數南

世躅原堪憎何妨共闊疎休休真逸老咄咄不空書獨樂

溫能似行窩邵孰如庭柯低解事門外拒高車

鬢鬆千林玉襪襪百琲珠颺風翻絮起潤脉發膏腴灑急

庭裁練號虛竅韻竽何妨擁燈火貫酒典魚須

地僻人逾遠悠然興沈寥老增兒女樂健應子孫邀日涉

園成趣歸飛羽不譙逍遙風雨夜沿沂憶輕舸

學稼吾家事何當曠可憐種魚枯慮澤養鶴歎愁田室困

飢堪指腰犀濟亦捐借用獨韻先人有遺愛踵武淡災年兄因荒年

減糶

理縣家無譜居然小阮稱早聞封鮓訓自學拔葵能天遠

雲增望山多岫定登遙欣清似父堪荷玉壺冰玉音賜兄

雁序晨星久殊方緒各牽有兄懷弱弟無地不遙天夜雨

昏燈後虛堂退食前他年償願足大被日高眠子瞻別子由詩退食

悞相從

珍物人同賞家園有二難蒲萄來哈密題字重琅玕雨露

恩俱沃煙雲秀可餐分甘期我共評騭有餘歡書屋香泉兄題額

屈指香山侶耆年不幾人吾家老宗子清問禮從珍閱世

偕卿長因風訪鱸尊遙知鄉共醉可許酒為民子遠姪年九十

頭角期羣從專場擅騁辭鳳毛家有學駑棧叔真痴秋卜

搏風健春先愛日遲傳經趨鯉地應遣汝曹知

靈光歸執友拜紀得羊求昔識姿如鳳今同信逐鷗遺榮  
輕鼠臂結契重龍頭詩派香誰辨知應數竹洲

黃葉老人

歲儉農仍樂人歡足不重村儻工罄折田女解粧濃賽竝  
羅雞黍貧猶摯磨春太平真有象歌咏共渠儂

花重香成國農稠宅號邨田歌形不役棚話舌無捫地主  
情常洽園鄰誼亦敦可能供菜把爛煮佐清尊

尺宅生梨棗滋培使不傾天遊消鑿擾上藥鍊形輕白傅  
丹愁敗京霜搗欲成曾尋梅福否或者混諸僮

作達情聊爾為歡意自如吟詩壓元白封事陋嚴徐光怪  
蒸成菌生涯味齧菹愚溪愚可謂天問苦躊躇

陶咏軀為客坡嘲死愛骸斐然仍有作技也未忘懷靜學  
家聲在娛文志願乖和兄詩當引竊比愧東齋子由海康東齋序東

坡和陶詩

### 和兄入城度歲酒闌賦示兒子次原韻

堂上蒼顏語笑溫春朝婪尾樂嚴尊不鮮休恩過從客未  
省惟領內外孫似水臣心居近市還家酒食至如邨陸生  
車劍殊堪晒炫耀兒曹遍款門

強健歸來世孰能華堂兒女繞鬢髻挽鬚抱鄰皆文度劣  
豹優鸞異景升令節為歡還秉燭里門便步不支藤家庭  
此樂原天賦我亦懷鄉岡屢登

剝啄門關謝客嗔應知不去與波隣蚨能飛夜聽生耳雛  
盡逢春嘽沸唇合有冥鑪添鼓助還教言鴨早欄馴從來  
官是無家客習蓼蟲寧自識辛

學箕初步敢言文獎小於菟許不羣

子瞻謂姪迨

三世德貽兒

漫譽八州督繼業知耘秀才已任難師范童子名聞亦愧  
員俯仰家庭喬嶽在霖雲膚寸自續紛六兒採芹  
兄詩過譽

和兄除夕東乾齋弟次韻

年來愛日美陔華此夕遙知慕轉加逝歲壑蛇宵繫尾照  
庭蓮燭地生花手羅枚馬偏憑隻齒嚼宮商未怕又讀罷  
池塘兄句好望巢真擬學歸鴉

一年將盡人爭戀兩版常關我不忙止水寸田容武庫御

風四大本禪床雙清心跡安為宅

弟構雙清堂

羨白情懷醉可

堂張老室成稱善頌更將門第說公望

和兄元日得乾齋弟和詩次韻

尾續余應自怯貂餘辛那復擣殘椒

坡詩最後數篇君莫厭擣殘椒桂有餘辛

每因聽雨愁連夜遂使張軍見詰朝華近掌溫家慶少東

西吟陸歲寒消弟兄驟騎吾慚五且和新篇遣鬱陶

素頌如兄今老矣黑頭愧弟亦懷哉桑榆暖欲西堂逐棠  
棣榮看東閣開蚓竅作鳴慚曲和雁行排字喜書來相思  
過後還相痛戲絲無從學舞萊

署篆徐司馬招飲

花飛醇飲樂春和脫略寬無禮數苛作楫近便民利涉决  
渠遙及楚分波席間實事杯傾浮蟻醅顏漸座對棲鸞儀羽多  
通介仰瞻欣得御敢因忘分舞傴僂

賦得山高水長

山水何似似高人滄峙不肯尋常伍高人亦與山水同志  
節詎比卑污數嚴陵先生澤中癯故人軒冕輕塵土視龍  
輾挺矧肯從欲臣老子難為主遐哉冥躅遠莫追只有流

風邁今古嶽嶽萬仞迴波靡汪汪千頃欽仰俯景行在望  
溯洄從穆如披拂非聞覩高耶長耶孰終極底說雙臺誇  
鬼斧

題黃山松石圖 小引

適齋姪九十齊年黃山雁公大師偶卓錫吾寧寫  
黃山松石圖以壽羣從題句甚多適齋遠札索題  
賦此

怪君一室中縮地得仙宅松與丹臺古石共蓮峰坼江山  
起煙霧真境近咫尺生朝得此壽信可落死籍雁公畫通  
神奇趣奇妙迹鬱鬱澗底蒼磊磊雲根碧離奇得天全犖  
確謝鞭策清姿鍾澤癯秀骨沃雲腋黃海渺千里靈產乃  
几席安知無羣真來往共晨夕憶約襍被攜彈指十年隔  
妬君俯仰間遊不待筇屐何當躡天都芒鞋行踐昔拍肩  
尋赤松下拜訪黃石

方子若芳口占言別次韻留之

朝來無計挽行裝雨阻留君緩宿糧體弱禁風春月柳心  
安勝藥越人方 若芳因悼亡神傷貌悴來城舟中冒風 鳴簷每聽愁侵曉懸

榻難邀坐有香久掃荒齋堪日夕幻緣閒共話存亡 訂下榻署齋排悶今病寄宿居停

送徐伯承鄉試河南

都亭車騎聽驪歌射策翩翩遠湖河江左才名常侍少梁  
園詞賦長卿多鳶肩騰土休辭客鵬翼圖南待擊波九萬  
祇今秋正好看君飛背碧霄摩

川輝石媚喜曾親慚愧他山對席珍千莫斗間誰辨氣桐

材爨處孰知珍文章托契成傾蓋冠劍論交待拂塵指日  
長楊行獻賦欣余似識棄繻人

次乾齋弟原韻閑園卽事三首

憶甚聯床奮翼難團團柱喜追歡天邊孤雁行隨序雲  
外飄香漏坐殘笑口幾逢花正韡銜杯况共月同看瞻兄

顧弟真堪樂一掃羈愁萬斛寬

東坡詩瞻前惟兄  
三顧後子由一

白飯青芻款我餘

乾齋弟留憩  
雙清草堂

翩然攜棹訪郊居詩成鶯

嶺初唐句筆落羊裙大令書不覺談深侵燭跋頻看月影

上階除延綠葦岸拏音遠躑躅閒庭對望舒

晨夕高談愜素期瀾翻如屑亦如卮班荆接席欣同氣繞

樹看花憶異時草木滿庭真可敬園林獨樂世誰知守閑

我欲來偕隱三宿歡疑借一枝

壽同學查止齋次原韻

曾奉馳驅菟苑中十年長我早稱翁驚心過隙奔烏兔刺  
眼看人判乙鴻德種邁將書種卜世緣淺豈道緣窮只今  
石漾東山似敢笑儒生一畝宮

如圃同人事憶前春雲軒鶴競翩翩少年臭味芝蘭氣老

境情親文字緣索句近添池上閣問奇擬度陌間阡從今

有意須頻過折角知容厠講筵

止齋新構水閣  
索余長短句

靈光藉甚老名場通德爲門鄭號鄉喬木百年雲物護賜

書一閣琬琰藏階除玉樹人如謝詩卷紅蓮句軼唐屈指

吾儕誰項背龍山山水自高長

人世桃源語不虛花谿休羨武陵漁桑麻屋舍皆真宅軒

冕塵泥信土苴自有清音供坐客何妨邱壑老容予殷兄



張丈今稀有願學長生受異書

次伯兄韻慰吳甥維賢時試冊遺名不得入闈來園

看桂三宿

伍籍雖羞噲何堪亡是俱不須愁下璞翻替惜隋珠似博  
人矜雋如屢我隱壺畫籌誰識魏宅相語非徒  
園桂同蟾窟逍遙得意遊香當晴更遠賞入夜偏幽襖被  
攜還展征橈鼓又休弟兄甥舅樂幾見月當頭

次韻答曹二廉讓寄懷二首

家鄉暫憇拂衣同鬱鬱今真我欲東趨世未能工捷足駐  
顏無術學方瞳知交書到言談慰懷袖吟頻夢寐通老矣  
吾儕多落落凭高極望喟晨風  
桃葉迎來兩漿裝勝君老伴尚須將看他花質多般嫩顯  
我松姿分外蒼賸可慰懷愁遣陣不教忍事腹如囊遙知  
撫掌還驚訝能誦靈光賦一章

壽念祖兄八十時方刻崇禎忠節錄寄示樣本

歲在著雍春月吉碧落蕩蕩開天容葱龍瑞靄雜慘霧須  
臾變現空明中排衙幢節前導引神官無數趨天宮呌聞  
來雜遝劍佩鳴琤琮崇痺各等差雁鶩行西東綠章奏言  
下土捐軀臣昔逢厄運殺身效節矢孤忠天庭雖降鑒姓  
名人世漸漸泯沒隨飄風再歷千百年所傳異詞聞異詞  
文獻不足知何從竹里高士筆哀輯忠節成帙字細如蟻  
蠊搜羅幽隱發潛德壽之梨棗垂無窮譬如操尺箠撞擊  
震驚百里響發萬石之洪鐘豈但畢先志亦有輔世功若  
無忠節錄成仁等虛空若無忠節錄志士徒鞠凶若無忠

節錄懦頑終盲聾若無忠節錄天經地義三綱五常長夜  
萬古如晦蒙願申臣等志人予一齡酬厥庸謹呼排九閭  
殷如震螫聲雷同天雖高聽屬地何言哉可顧諟若日汝  
俞如喻厥旨錫之遐算方來壽世

題沈麟洲覓句圖

夸俗談紛華長安向西笑卽有幽居勝未去頭屢掉而况  
東閣客冰玉相映照逝肯適寬閒雲水樂吟嘯披圖識伊  
人撚鬚意孤峭深林鬱茆堂虧蔽迷奧窔塞屋書傳香撐  
腸文字繞了頭研隃麋先生窮幻眇得句千乘輕有味行  
咀噍鷗閒鴻飛冥嘻其甚矣肖捉鼻爲君疑盛鳴奏清廟

麟洲爲宮詹查聲山婿向以  
甥館爲家圖時在京師賜第

訓同寅鮑瞻麓用廉讓韻

啼豐號暖十年同杼軸如歌大小東蝸署可容惟兩膝蠅  
頭能辨臙雙瞳吟消無賴忘棖觸數歎多奇聽塞通隱約  
與君同戢羽可知朝市馬牛風

騎鶴腰纏不羨裝冰曹勝事亦相將與來操翰同君染閒  
去看山對我蒼萬卷未能誇拄腹一錢何事怕羞囊少陵  
敢把蚍蜉比三絕投余媿報章

來詩有少  
陵鄭虔語

冬日江行疊閑園卽事韻

寒能弗出古來難爲報劉行意亦歡

爲先祖  
母合厝

早覺心旌隨

夢遠不教水驛怯冬殘江浮冰練波經剪山獻霜稜凍忍

看馬鬣未謀辜飽暖嚴程且涉莫愁寬

道長衝寒值歲餘根源敢自戀寧居諸孫老怕先霜露一  
紙嚴過畏簡書行矣首途冬數九歸歟屈指夕應除低摧

蓬底頻呵凍自笑吟箋漫卷舒

然約如期敢後期紙船冰戛漏防卮折綿應節涸年景緊  
棹貪程落日時寒斂晴江煙欲暝春先陽墅樹應知桐洲  
梅信探無暇憶甚橫斜月下枝

愁水愁風客路難煙鬢千疊孰爲歡灘心放溜弦離乍船  
腹分波繒裂殘江曲折來追似送月同隨去遠相看多年  
形役垂垂老瀧吏詩吟強自寬

枌社言旋樂有餘甘同無水亦舟居啼飢來往貪移粟裝  
迫倥傯欲典書自信一寒常至此何愁餘習遣難除聞雞  
每促征途早望見家山意乍舒

怒浪恬濤事莫期橫江波穩不搖卮晴曦熨縐平千頃晨  
棹凌空渡片時煙埃隻隻行處熟湖山依戀望中知穿城  
急去謀窳窳捧土還愁尚借枝

世僮

男世僮敬校

世估



以月集

念去藉密亥靴上毀悉尚出外

世奇

界世画婚交

世画

